

四庫全書

集部

欽定四庫全書

施註蘇詩卷三十二

宋蘇軾撰

施元之原註

武進邵長蘅刪補

詩三十六首

起在潁州洎元祐壬申改知揚州尋以兵部尚書召還作

上巳日與二子迨過遊塗山荆山記所見

塗山詳見

三卷濠州
七絕詩註

此生終安歸還軫天下半竭來乘標廟復作微禹歎公自

過注昔自南河赴杭州從此蓋二十二年矣從祠及彼呱公自注山像設偶此

梁公自注謂秦祖當侑坐公自注廟夏郊亦薦裸公自

廟可憐淮海人尚記弧矢旦公自注淮南人謂禹以六

載然相傳如此荆山碧相照楚水清可亂則人有餘坑

美石肖溫瓚公自注荆山下有卞氏採玉坑石色如玉

龜泉木杪出牛乳石池漫公自注龜泉在荆山下色白

者有石記云唐貞元中隨白龜流出小兒強好古侍史笑流汗歸時蝙蝠

飛炬火記遠岸

國語還軫諸侯可謂家因尚書禹曰予乘四載孔氏傳云水乘舟陸乘車泥乘楫山乘櫟左傳昭元年天王使劉定公勞趙孟於潁館於洛汭劉子曰美哉禹功明德遠矣微禹吾其魚乎尚書禹曰予創若時娶于塗山辛丑癸甲啟呱呱而泣予弗子惟荒度土功楚詞招魂魄設君室靜閒安些詩國風今夕何夕見此繫者史記秦本紀秦之先帝顓頊氏之苗裔孫曰女修女修生大業大業生大費與禹平水土是為栢翳舜賜姓嬴氏禮記夏后氏禘黃帝而郊鯀尚書亂於河韓詩外傳楚人卞和得玉璞於荆山獻之武王使人相之曰非也王怒刖其左足及文王即位又獻之玉人又曰石也則其右足至成王時和抱其璞哭

於荆山下王乃使玉人理之得寶焉名曰和氏璧衡
按圖經塗山在昔鍾離縣西九十五里荆山在縣西
八十三里二山本相聯屬而淮水遠荆山之背神禹
鑿開使水流二山間此濠州之荆山也又按史記楚
始封居丹陽至楚文王遷都郢皆在南郡其地有荆
山楚人故以荆為號左傳曰昔我先王熊繹辟在荆
山後漢郡國志曰臨沮侯國有荆山注引荆州記云
谿北即荆山首曰景山即卞和抱璞之處據此則卞
和得璞自當以近郢之荆山為是而濠州古鍾離國
去郢甚遠韓非子所載卞和獻玉事乃在武文成三
王之際當時鍾離未嘗屬楚卞和何從得至此山今
山中有采玉坑為後人傳會無疑明宋濂塗荆二山
記亦云附著
之以俟博雅

淮上早發

澹月傾雲曉角哀小風吹水碧鱗開此生定向江湖老
默數淮中十往來

次韻徐仲車

公自注仲車耳聾按仲車名積山陽人苦學養母盡力行年四十不

婚不仕久之鄉人迫令就舉入京則以隻輪載母躬自推行葛衫草屨行道之人不能辨也登治平四年第未調官母亡遂不復仕家居山陽衣食不給及路振通判楚州始為娶妻生子小名路兒云先生嘗言仲車古之獨行人於陵仲子不能過然其詩文則怪而放如玉川子此一反也耳聾甚畫地為字乃始通終日面壁不與人接而四方事無不周知此二反也昔王肅三反而斯人有其二亦可謂異矣

惡衣惡食詩愈好恰是霜松嘯春鳥蒼蠅莫亂遠雞聲

世上誰知

一作如

公覺早八年看我走三州

公自注元豐八年予赴登

州元祐四年赴杭州今赴揚州皆見仲車

月自當空水自流人間擾擾真螻

螳應笑人呼作鬪牛

次韻林子中春日新堤書事見寄

林子中名希事見二十九

卷次韻林子中蔣山亭見寄詩按先生以元祐六年三月從杭州召還凡七上章丐去八

月自翰林承旨出知穎州故詩云東都寄食似浮雲襍被真成一宿賓七年正月改知揚

州子中繼公守杭公在杭開西湖以所積葑為長堤子中因杭人之意為榜曰蘇公堤新

堤書事蓋
蘇公堤也

東都寄食似浮雲襖被真成一宿賓收得玉堂揮翰手
邵為淮月弄舟人羨君湖上齋搖碧笑我花時甌有塵
為報年來殺風景連江夢雨不知春

公自注來詩有芍藥春之句揚州近

歲率為此會用花十餘萬枝吏緣為姦民極病之故罷此會

晉魏舒傳襖被而出莊子天運篇仁義先王之蘧廬也止可一宿而不可久處李義山雜纂有十三殺風景事

送陳伯修察院赴闕

陳伯修名師錫神宗時登第奏名帝得其文屢讀婁

賞顧侍臣曰此必陳師錫也啟封果然擢為第三人故云聞君射策日妙語發疇咨知臨

安縣拜監察御史以言事出知宿遷縣元祐間東坡三上章薦之乃入為校書郎遷工部郎徽宗用為殿中侍御史坐黨論削官郴州卒

裕陵固天縱筆有雲漢姿嘗重連山象不數秋風辭龍騰與虎變狸豹復何施我窮真有數文字乃見知聞君射策日妙語發疇咨一日喧萬口驚倒同舍兒豈知二十年道路猶遲遲苦言如藥石瞑眩終見思屈信反覆手獨於君可疑四門方穆穆行矣及此時

神宗皇帝葬裕陵周禮太卜掌三易之法一曰連山唐藝文志易部有連山十卷漢武帝幸河東祠后土與羣

臣飲燕乃自作秋風辭揚
子狸變則豹豹變則虎

送張嘉父長官

張嘉父名大寧山陽人登元豐八年第治春秋學政和間為司

勲郎張文潛嘗作南山賦以贈之其畧曰南山巖巖兮其下有人佩玉而握珠剋意魯叟之古經不習世儒之臆書過都梁兮躊躇奉兩月之周旋其所居當是泗之南山今為盱也

都城昔傾蓋駿馬初服輶再見江湖間秋鷹已離韝於
今三會合每進不少留豫章既可識瑚璉誰當收微官
有民社妙割無雞牛歸來我益敬器博用自周百年子

初筵我已迫旅酬但當寄苦語高節貫白頭

說文輶車輶也考工記輶人為輶有國馬之輶有駕馬之輶又張衡賦云馬倚輶而徘徊杜子美去矣行君不見羈上鷹一飽即飛掣詩小雅賓之初筵左右秩秩又鍾鼓既設舉醕逸逸

在潁州與德麟同治西湖未成改揚州三月十

六日湖成德麟有詩見懷次其韻

太山秋毫兩無窮鉅細本出相形中大千起滅一塵裏

未覺杭潁誰雌雄

公自注來詩云與杭爭雄

我在錢塘拓湖淥大堤

士女爭昌丰六橋橫絕天漢上北山始與南屏通忽驚

二十五萬丈老葑席卷蒼雲空
鵠來頽尾弄秋色一水

縈帶昭靈宮坐思吳越不可到
借君月斧修瞳朧二十

四橋亦何有換此十頃玻璃風
雷塘水乾禾黍滿寶釵

耕出餘鸞龍明年詩客來弔古
伴我霜夜號秋蟲

公自注德

麟見約來揚寄居

亦有意求揚倅

莊子齊物論天下莫大於秋毫之末而太山為小樂府
有大堤曲云朝發襄陽城暮至大堤宿大堤諸女兒花
艷驚郎目詩國風子之昌兮又子之丰兮子由作先生
墓誌杭州西湖南北三十里環湖往來終日不達先生
在杭乃取葑積之湖中為長堤一以通南北六橋並跨
堤上又先生奏修杭州西湖狀云自國初以來稍廢不

治水涸草生漸成葑田熙寧中湖之葑合者蓋十二三
爾至今遂塞其半已打量湖上葑田計二十五萬餘丈
度用二十餘萬工先生昭靈侯廟碑南陽張公隋之初
家頴上曰我龍也自唐景龍以來頴人世祠之於焦氏
臺熙寧中詔封公昭靈侯元祐六年乃益治其廟月斧
用鄭仁表遊嵩山事再見歐陽公自揚移頴作西湖詩
云都將二十四橋月換得西湖十頃秋先生復自頴移
揚此句蓋用文忠語也雷塘在揚州東北十里煬帝葬
處

次韻德麟西湖新成見懷絕句

壺中春色飲中仙

公自注謂洞庭春色也

騎鶴東來獨惘然猶有

趙陳同李郭不妨同泛過湖船

杜子美有飲中八仙歌後漢郭太傳遊洛陽見李膺大
奇之後歸鄉里衣冠諸儒送至河上車數千兩林宗惟
與膺同舟而濟衆賓望之以為神仙太字林宗

再次韻德麟新開西湖

使君不用山鞠窮饑民自逃泥水中欲將百瀆起凶歲

公自注予以潁人苦饑奏乞留黃河夫萬人
修境內溝洫詔許之因以餘力浚治此河免使甌石

愁揚雄西湖雖小亦西子縈流作態清而丰千夫餘力

起三閘焦陂下與長淮通十年憔悴塵土窟清瀾一洗

啼痕空王孫本自有仙骨平生宿衛明光宮一行作吏

人不識正似雲月初朦朧時臨此水照冰雪莫遣白髮
生秋風定須卻致兩黃鵠新與上帝開濯龍湖成君歸
侍帝側燈花已綴釵頭蟲

左傳杜預注麥麴鞠窮所以禦濕欲使無社逃泥水中
詳已見漢揚雄傳家無貳石之儲晏如也嵇叔夜與山
巨源絕交書游山澤觀魚鳥心甚樂之一行作吏此事
便廢後漢許揚傳成帝時翟方進奏毀鴻郤陵太守鄧
晨欲修復聞揚善水脈召與議之揚曰昔成帝用方進
之言尋而自夢上天天帝怒曰何故敗我濯龍淵是後
民失其利黃鵠注再見韓退之燈花詩囊裏排
金粟釵頭綴玉蟲更煩將喜事來報主人翁

到官病勸未嘗會客毛正仲惠茶乃以端午小

集石塔戲作一詩為謝

我生亦何須一飽萬想滅胡為設方丈養此膚寸舌爾
來又衰病過午食輒噎繆為淮海帥每愧厨傳闕爨無
欲清人奉使免內熱空煩赤泥印遠致紫玉玦為君伐
羔豚歌舞菰黍節禪牕麗午景蜀井出冰雪坐客皆可
人鼎器手自絜金釵候湯眼魚蟹亦應訣遂令色香味
一日備三絕報君不虛受知我非輕啜

漢宣帝紀吏飾厨傳稱過使客韋昭曰厨謂飲食傳謂
傳舍莊子人間世吾食也執麤而不臧爨無欲清之人

今吾朝受命而夕飲冰我其內熱與劉禹錫試茶詩何
况蒙山顧渚春白泥赤印走風塵周處風土記仲夏端
午進筒糗一名角黍以菰葉裹黏米以象陰陽相包蜀
井揚州石塔寺旁有蜀井相傳云泉脈與蜀相通故紙
工汲其水以造麻牋杜子美蜀道圖詩吳蜀水相通三
國蜀費禕傳來敏曰君信可人必能辦賊陸羽茶經茶
沸如魚眼崔珣詩
石鼎水煎紅蟹眼

雙石 并引

至揚州獲二石其一綠色岡巒迤邐有穴達於背
其一玉白可鑒漬以盆水置几案間忽憶在潁州
日夢人請住一官府榜曰仇池覺而誦杜子美詩

曰萬古仇池穴潛通小有天乃戲作小詩為僚友

一笑

夢時良是覺時非汲井埋盆故自癡但見玉峰橫太白
便從鳥道絕峨眉
看秋風與作煙雲意曉日令涵草木姿
一點空明何處是老人真欲住仇池

韓退之盆池詩老翁真箇似童兒汲井埋盆作小池唐
地理志鳳翔府郿縣有太白山茅君內傳三十六洞第
二委羽之洞名曰大有空明之天三秦記仇池縣本名
仇維山上有池故曰仇池山在倉洛二谷之間形如覆
壺仇池百頃周迴九千四十步天形四方壁立千仞自
然樓櫓凡二十一道可攀援而上見後漢南蠻傳注

次韻鼂無咎學士相迎

無咎名補之濟州鉅野人文章溫潤典編其凌

屬奇卓出於天成與黃張秦並驅聯鑣世號元祐四學士

少年獨識鼂新城閉門卻掃卷旆旌胷中自有談天口

坐卻秦軍發墨守有子不為謀置錐虹霓吞吐忘寒饑

端如太史牛馬走嚴徐不敢連尻脰裴回未用疑相待

枉尺知君有家戒避人聊復去瀛洲伴我真能老淮海

夢中仇池千仞巖便欲攬我青霞幘且須還家與婦計

我本歸路連西南老人飲酒無人佐獨看紅藥傾白墮

每到平山憶醉翁
懸知他日君思我
路傍小兒笑相逢
齊歌萬事轉頭空
賴有風流賢別駕
猶堪十里卷春風

范新城無咎之父也爲新城令晉葛洪傳閉門卻掃未嘗交遊左太冲詠史吾慕魯仲連談笑卻秦軍後漢鄭玄傳何休好公羊學遂著公羊墨守左氏膏肓穀梁廢疾玄乃發墨守鍼膏肓起廢疾休見而歎曰康成入吾室操吾矛以伐我乎玄字康成荀子儒者無置錐之地莊子雜篇堯舜有天下子孫無置錐之地也東方朔傳武帝問朔曰方今公孫丞相兒大夫董仲舒司馬遷之倫先生自視何與比哉朔曰臣觀其吐吻唇連尻臍臣雖不肖尚兼此數子唐褚亮傳太宗為天策上將軍作文學館收聘賢才以杜如晦等為學士凡分三番遞宿閣下每暇日訪以政事詩論典籍號為十八學士是時在選中者天下慕向謂之登瀛洲史記滑稽傳楚莊王

欲以優孟為相優孟曰請歸與婦計之再見杜子美仇池詩近接西南境長懷十九泉謝玄暉直中書省詩紅藥當堦翻蒼苔依砌上白墮注詳上卷次韻趙德麟詩平山堂在揚州大明寺歐陽文忠公修建杜牧之詩春風十里揚州路捲上珠簾總不如三見

次韻范淳父送秦少章

宿緣在江海世網如予何西來庾公塵已濯長淮波十年淮海人初見一麥禾但欣爭訟少未覺舟車多秦郎

忽過我賦詩如卷阿句法本黃子

公自注謂魯直也

二豪與措

磨

公自注謂其兄少遊與張文潛也

嗟我久離羣逝將老西河後生多

名士欲薦空悲歌小范真可人獨宵勤收羅瘦馬識騷

耳枯桐得雲和近聞館李生

公自注謂李薦方叔

病鶴借一柯贈

行苦說我妙語慰蹉跎西羌已解仇烽火連朝那坐籌

付公等吾將寄潛沱

史記仲尼弟子傳孔子既沒子夏居西河教授為魏文侯師周禮孤竹之管雲和之琴瑟冬日至於地上之園丘奏之漢趙充國傳元康三年先零與諸羌種豪二百餘人解仇交質詛盟漢地理志安定郡朝那縣故戎那邑也漢高祖紀運籌帷幄之中決勝千里之外吾不如子房尚書九江孔殷沱潛既道孔氏云沱江別名潛水名

聞林夫當徙靈隱寺寓居戲作靈隱前一首

唐

字林夫事見二十九卷和
唐彥猷詩送其子垌詩注

靈隱前天竺後兩澗春淙一靈鷲不知水從何處來跳
波赴壑如奔雷無情有意兩莫測宵向冷泉亭下相縈
回我在錢塘六百日山中暫來不暖席今君欲作靈隱
居葛衣草屨隨僧蔬能與冷泉作主一百日不用二十

四考書中書

圖經杭州靈山之陰北澗之陽即靈隱寺靈山之南南
澗之陽即天竺寺二澗流水號錢源泉遠寺峰南北而

下至峰前合為一澗有橋號合澗橋又冷泉亭在飛來峰下白樂天冷泉亭記東南山水餘杭郡為最就郡言靈隱為尤由寺觀冷泉亭為甲亭在山水中央寺西南隅白樂天詩到郡六百日入山十二回唐郭子儀傳校中書令考二十四

滕達道挽辭二首

滕達道名甫字元發宣仁簾聽避高魯王遵甫諱遂以字

名而以達道為字也元發東陽人廷試第三早受知於范文正公而孫威敏汚一見異之曰奇材也後當為賢將授以治劇守邊之畧同修起居注英宗書姓名藏禁中未及用神宗知之即位擢御史中丞翰林學士尹開封故曰先帝知公早云云未幾與先生皆以論新法得罪而拳拳憂國之意若一故曰公方占賈鵬云云先生自黃移汝上書乞居常州

即日報可遂與元發會於金山蓋其來守吳興時也後以手帖與賈耘老云久放江湖不見偉人昨在金山滕元發以扁舟破巨浪出船巍然使人神聳故曰荆溪欲歸老浮玉偶同遊云云皆紀其實也

先帝知公早虛懷第一人至今詩禮將惟數武宣臣材
大雖難用時來亦少信高平風烈在威敏典刑新空試
乘邊策寧留相漢身淒涼舊部曲淚濕塚前麟

左傳僖二十七年晉作三軍謀元帥趙衰曰卻縠可亟聞其言矣說禮樂而敦詩書詩書義之府也禮樂德之則也德義利之本也君其試之乃使卻縠將中軍漢公孫弘傳贊上方欲用文武求之如弗及漢之得人於茲

為盛蓋指孝武以及孝宣之世也漢高祖紀興闢中卒
乘邊塞李奇曰乘守也漢王商傳河平四年單于來朝
丞相商坐未央廷中單于仰視商貌大畏之天子聞而
嘆曰此真漢相矣杜子美詩韋賢初相漢續漢書百官
志將軍領軍皆有部曲杜子美詩淒涼餘部曲又詩苑邊高塚臥麒麟

雲夢連江雨樊山落木秋公方占賈鵬我正買龔牛共
有江湖樂俱懷畎畝憂荆溪欲歸老浮玉偶同遊骭髀
儀刑在驚呼歲月邁回頭雜歌哭挽語不成謳

譙周法訓挽歌者高帝召田橫至尸鄉自殺從者不敢哭而不勝哀故為此歌以寄哀音焉

次韻蘇伯固遊蜀岡送李孝博奉使嶺表

新苗未沒鶴老葉方翳蟬綠渠浸麻水白板燒松烟笑
窺有紅頰醉卧皆華顛家家機杼鳴樹樹梨棗懸野無
佩犢子府有騎鶴仙觀風嶠南使出相山東賢渡江弔
很石過嶺酌貪泉與君步徙倚望彼修連娟願及南枝
謝早隨北鴈翩歸來春酒熟共看山櫻然

韓退之稻畦詩魚肥知已秀鶴沒覺初深晉顧愷之傳
桓玄嘗以一柳葉給愷之曰此蟬所翳葉也取以自蔽
人不見已庾信小園賦蟬有翳兮不驚白樂天詩畫屏
烏白板漢趙充國傳贊秦漢以來山東出相山西出將
很石在京口注已見晉吳隱之傳廣州石門有水曰貪
泉隱之為刺史至泉所酌而飲之因賦詩曰若使夷齊

飲終當不易心楚詞妬修眉之連娟漢外戚李夫人傳美連娟以修嫵沈約詩野棠開未落山櫻發欲然

石塔寺

并引

世傳王播飯後鐘詩蓋揚州石塔寺事也相傳如此戲作此詩

饑眼望東西詩腸忘早晏雖知燈是火不悟鐘非飯
山僧異漂母但可供一莞胡為二十年記憶作此訛齋厨
養若人無益祇遺患乃知飯後鐘闍黎蓋具眼

撫言王播少孤嘗客揚州惠照寺木蘭院隨僧粥食久之僧頗厭一日播出度未回而先飯訖乃鳴鐘魚後播

鎮江都因訪舊遊所題字皆紗罩之因留詩云云按唐書播相穆宗時權倖競進播賴其力至宰相專務將迎居位無所裨益復失河北衆望不厭故公詩有無益祇遺患關黎蓋具眼之句

送鼂美叔發運右司年兄赴闕

我年二十無朋儔當時四海一子由君來扣門如有求

頎然鶴骨清而修醉翁遣我從子游翁如退之蹈軻丘

尚欲放子出一頭

公自注嘉祐初與子由寓興國浴室美叔忽見訪云吾從歐陽公遊久矣

公令我來與子定交謂子必名世老夫亦須放他出一頭地按子由志先生墓亦云

酒醒夢斷四

十秋病鶴不病骨愈蚪惟有我顏老可羞醉翁賓客散

九州幾人白髮還相收我如懷祖拙自謀正作尚書已

過優君求會稽實良籌往看萬壑爭交流

公自注美叔方乞越

毛詩碩人其頤注頤長也白樂天詩病瘦形如鶴晉王羲之傳嘗謂賓友曰懷祖正當作尚書耳更求會稽便

自邈然王

述字懷祖

王文玉挽辭

才名誰似廣文寒月斧雲斤琢肺肝玄晏一生都卧病
子雲三世不遷官幽蘭空覺香風在宿草何曾淚葉乾
猶喜諸郎有曹志文章還復富波瀾

晉書皇甫謐自號玄晏先生終身稱疾辭位孟郊贈崔純亮詩鏡破不改光蘭死不改香禮記曾子曰朋友之墓有宿草而不哭焉說者謂草經一年則陳根全翻用之以言過期而猶哭也三國魏陳思王傳小子志保家之主也按曹志蓋陳思王植之孽子亦好學有才

送芝上人遊廬山

二年閱三州我老不自惜團團如磨牛步步踏陳迹豈知世外人長與魚鳥逸老芝如雲月炯炯時一出比年三見之常苦有所適逝將走廬阜計濶道愈密吾生如寄耳出處誰能必江南千萬峰何處訪子室

先生以元祐六年離杭召為翰林承旨是年
又出守潁州七年徙揚州故云二年閱三州

送程德林赴真州

君為縣令元豐中吏貪功利以病農君欲言之路無從

移書諫臣以自通

公自注諫臣
蹇受之也

元豐天子為改容我時

匹馬江西東問之逆旅言頗同老人愛君如劉寵小兒

敬君如魯恭爾來明目達四聰收拾駟駿冀北空君為

赤令有古風政聲直入明光宮天廡如海養羣龍并收

其子豈不公

公自注君之子祁舉制
策文學行義為時所稱

白沙何必煩此翁

後漢劉寵傳為會稽太守徵還山陰有五六老叟龐者皓髮人齋百錢以送寵寵勞之曰父老何自苦對曰自明府下車以來狗不夜吠民不見吏年老遭值聖明今聞見棄去故自扶奉送魯恭傳為中牟令河南尹袁安遣仁恕掾肥親往廉察政迹恭與俱坐桑下有雉過止其旁旁有小兒親曰何不捕之兒曰雉方將雛親瞿然起曰蝗不犯境一異也化及鳥獸二異也豎子有仁心三異也還府以狀白安魏都賦冀馬填廐而駟駿韓退之送溫造序伯樂一過冀北之野而馬羣遂空白沙真州也唐為白沙鎮

谷林堂

深谷下窈窕高林合扶疎美哉新堂成及此秋風初我來適過雨物至如娛予稚竹真可人霜節已專車老槐

苦無賴風花欲填渠山鴉爭呼號谿蟬獨清虛寄懷勞
生外得句幽夢餘古今正自同歲月何必書

國語禹致羣臣於會稽之山防風氏後至殺
而戮之骨節專車杜子美詩書時記朝夕

予少年頗知種松手植數萬株皆中梁柱矣都
梁山中見杜輿秀才求學其法戲贈二首

露宿泥行草棘中十年春雨養髯龍如今尺五城南杜
欲問東坡學種松

雞跖集韋曲杜鄴近長安諺曰城南韋杜去
天尺五杜子美贈韋七詩時論同歸尺五天

君方掃雪收松子我已開榛得茯苓為問何如插楊柳
明年飛絮作浮萍

先生次韻章質夫楊花詞曉來雨過遺踪何在一
池萍碎注云舊說楊花入水為浮萍驗之信然

行宿泗間見徐州張天驥次舊韻

二年三躡過淮舟款段還逢馬少游無事不妨長好飲
著書自要且窮愁孤松早偃原非病倦鳥雖還豈是休
更欲河邊幾來往祇今霜雪已蒙頭

酉陽雜俎世傳松千歲方傾平偃蓋然有數年輒偃但
於根下遇石則偃耳遊齋間覽蘇伯才云凡欲偃松栽

時去松中大根惟畱四傍須根則無不
偃陶淵明歸去來辭鳥倦飛而知還

次韻劉景文贈傅義秀才

幼眇文章宜和寡崢嶸肝肺亦交難未能飛瓦彈清角
肯便投泥戲潑寒忽見秋風吹洛水遙知霜葉滿長安
詩成送與劉夫子莫遣孫郎帳下看

幼眇字出漢書讀曰要妙屢見韓子衛靈公之晉平公
觴之靈公乃召師涓坐師曠之傍援琴鼓之未終師曠
曰不如清徵平公請試聽之一奏有玄鶴二八來集再
奏而成列三奏而延頸鳴音中宮商師曠曰不如清角
一奏之有雲從西北方來再奏之大風至大雨隨之裂
帷幙俎豆墮廊瓦唐張說傳始武后末年為潑寒胡戲

中宗嘗乘樓縱觀至是四尺來朝復為之說上疏曰乞
寒潑胡未聞典故裸體跳足汨泥揮水盛德何觀焉呂
洞賓詞西風吹渭水落葉滿長安撫言賈島得落葉滿
長安一句求作一聯杳不可得孫郎帳下用禰正平語
見屢

在彭城日與定國為九日黃樓之會今復以是
日相遇於宋凡十五年憂樂出處有不可勝言
者而定國學道有得百念灰冷而顏益壯顧予
衰病心形俱瘁感之作詩

菊盞萸囊自古傳長房寧復是臞仙應從漢武橫汾日

數到劉公戲馬年對玉山人今老矣見恒河性故依然
王郎九日詩十首今賦黃樓第二篇

吳筠續齊諧記費長房謂桓景曰九月九日汝家當有
災異急令家人縫絳囊盛茱萸繫臂上登高飲菊花酒
可消此禍漢武帝秋風辭泛樓船兮濟汾河橫中流兮
揚素波南史宋武帝在彭城九月九日遊項羽戲馬臺
再見世說山公謂嵇叔夜之為人也巖巖若孤松之獨
立其醉也隗然若玉山之將頽楞嚴經佛告波斯國王
言我今示汝不生滅性汝年幾時見恒河水王言我生
三歲經過此流爾時即知是恒河水佛言如汝所說日
月歲時念念變遷則汝三歲見此河時王年十三其水
云何王言如三歲時宛然無異乃至於今年六十二亦
異

九日次定國韻

朝菌無晦朔蟪蛄疑春秋南柯已一世我眠未轉頭
仙人視吾曹何異蜂蟻稠不知蠻觸氏自有兩國憂
我觀去來今未始一念留奔馳竟何得而起無窮羞
王郎誤涉世屢獻久不酬黃金散行樂清詩出窮愁
俛仰四十年始知此生浮軒裳陳道路往往兒童收
封侯起大第或是君家駒似聞負販人中有第一流
炯然徑寸珠藏此百結裘意行無車馬倏忽畧九州
邂逅獨見之天與

非人謀笑我方醉夢衣冠戲沐猴力盡病騏驎伎窮老
伶優北山有雲根寸田自可耰會當無何鄉同作逍遙
遊歸來城郭是空有累累丘

莊子逍遙遊朝菌不知晦朔蟪蛄不知春秋此小年也
李太白將進酒歌天生我材必有用黃金散盡行復來
烹羊宰牛且為樂會須一飲三百杯世說桓大司馬問
劉真長曰聞會稽王語奇進爾耶對曰極進然是第二
流中人桓曰第一流是誰劉曰正在我輩逸士傳董威
隱居洛陽白社以殘絮縷帛為衣號百結衣楞嚴經譬
如有人於自衣中繫如意寶珠不自知覺漢伍被傳漢
廷公卿列侯皆如沐猴而冠耳蓋寬饒傳長信少傳以
列卿而沐猴舞又見項羽傳莊子逍遙遊何不樹之無
何有之鄉廣莫之野彷徨乎無為其側丁令威歌城郭

如故人民非何不
學仙塚景景屢見

召還至都門先寄子由

老身倦馬河堤永踏盡黃榆綠槐影荒鷄號月未三更
客夢還家時一頃歸老江湖無歲月未填溝壑猶朝請
黃門殿中春事罷詔許來迎先出省已飛青蓋在河梁
定餉黃封兼賜茗遠來無物可相贈一味豐年說淮潁
異聞實錄江南進士陳季卿客長安十年不歸一日終
南山翁以竹葉置窠瀛圖上渭水中令陳注目恍然至
家信宿復回山翁尚擁褐而坐季卿謝曰豈非夢耶翁
曰他日自知之經月家人來訪具述所以而留詩皆在

漢汲黯傳曰臣自以為填溝壑不復見陛下不意陛下復收之漢吳王濞傳不能朝請二十餘年注云漢律春曰朝秋曰請如古諸侯朝聘也唐百官志開元元年改門下省曰黃門按子由時為門下侍郎故事執政聽謁有服親仍先上聞得旨乃出青蓋
按國朝故事宰相執政許張青蓋

次韻定國見寄

還朝如夢中雙闕眩金碧復穿鴛鷺行強寄麋鹿迹勞生苦晝短展轉不能夕默坐數更鼓流水夜自逆故人

為我謀此志何由畢越吟知聽否誰念病莊舄

公自注時方請

越郡

史記陳軫傳軫對秦惠王曰越人莊舄仕楚執珪有頃而病楚王曰舄故越之鄙細人也今仕楚執珪富貴矣亦思越不中謝對曰凡人之思故在其病也彼思越則越聲不思越則楚聲使人往聽之猶尚越聲也今臣雖棄逐之楚豈能無秦聲哉

次韻蔣穎叔錢穆父從駕景靈宮二首

歸來病鶴記城闌舊踏松枝雨露新半白不羞垂領髮

軟紅猶戀屬車塵

公自注前輩戲語有西湖風月不如東華軟紅香土

雨收九陌

豐登後日麗三元下降辰麕識君王為民意不才何以

助精禋

潘安仁秋興賦素髮頽以垂領杜子美詩鬢毛垂領白
尚書禮於六宗孔安國曰精意以享謂之禮按年譜元
祐七年壬申是歲南
郊先生為鹵簿使

與君並直記初元白首還同入禁門玉殿齊班容小語

霜廷稽首泣微溫

公自注適與穆父並拜廷中地皆流濕相與小語道之

病貪賜

茗浮銅葉老怯秋泉灑寶樽回首鵷行有人傑坐知羌

鹵是遊龜

周禮大祝辨九摯一曰稽首銅葉言茶盞也魏文帝善
哉行假氣游龜魚鳥為伍杜子美詩今日看天意遊龜

賁爾

近以月石硯屏獻子功中書公復以涵星硯獻
純父侍講子功有詩純父未也復以月石風林
屏贈之謹和子功詩并求純父數句

紫潭出玄雲翳我潭中星獨有潭上月倒挂紫翠屏我
老不看書默坐養此昏花晴時時一開眼見此雲月眼
自明久知世界一泡影大小真偽何足評笑彼三子歐
梅蘇無事自作雪羽爭

公自注事見
三人詩集

故將屏硯送兩范

要使珠璧栖牕櫺大范忽長謠語出月脇令人驚小范

當繼之說破星心如鷄鳴牀頭復一月下有風林橫急
送小范家護此涵星泓願從少陵博一句山木盡與洪

濤傾

後漢列女蔡琰傳玄雲合兮翳月星異聞實錄徐玄之
夜見人物如粟粒行案上傳呼曰蚍蜉王欲觀漁於紫
石潭漁具數十人入硯中皆獲小魚玄之大駭以冊覆
之照看皆無雪羽用孟子字前漢天文志日月如合璧
五星如連珠月脇用皇甫湜若穿天心出月脇語已見
孟郊聞鷄詩似開孤月口能說落星心杜子美山水圖
歌舟人漁子入浦漱
山木盡亞洪濤風

次韻范純父涵星硯月石風林屏詩

月次於房歷三星斗牛不神箕獨靈簸搖桑榆盡西靡
影落蘇子硯與屏天公與我兩厭事孰居無事為此形
與君持橐侍帷幄同到溫室觀堯蓂自憐太史牛馬走
伎等卜祝均倡伶欲留衣冠挂神武便擊雲水歸南溟
陶泓不稱管城沐醉石可助平泉醒故持二物與夫子
欲使妙質留天庭但令滋液到枯槁勿遣光景生晦冥
上書挂名豈待我獨立自可當雷霆我時醉眠風林下
夜與漁火同青熒撫物懷人應獨歎作詩寄子誰當聽

韓退之三星行我生之辰月宿南斗箕獨有神靈無時
停籛揚三星各在天什五東南陳嗟汝牛與斗汝獨不
能神劉孝標書冀東平之樹望咸陽而西靡淮南子曰
西垂景在桑端謂之桑榆莊子天運篇孰居無事推而
行是帝王世記堯時有草當堦而生每月朔日生一莢
至月半則生十五莢自十六日後日落一莢至月而盡
月小則餘一莢不落此瑞草也謂之蓂莢司馬遷報任
安書太史公牛馬走司馬遷再拜言僕之先人非有剖
符丹書之功文史星厯近乎卜祝之間固主上所戲弄
倡優畜之韓退之毛穎傳封諸管城號管城子陳元陶
泓褚先生友善相推致出處必偕舊唐書李德裕傳平
泉別墅有醒酒石德裕醉則踞之又歸登傳登拜右拾
遺時德宗欲相裴延齡補闕熊執易危言忤旨草成
以示登登曰願寄一名雷電之下安忍令足下獨當

次韻錢穆父會飲

按先生論新法出為杭州通
判時年三十六歷典三郡謫

徙黃州年五十始再登朝二聖眷遇特異諸公懼其得政交攻之既不自安力丐外出守杭州凡再歲召入而子由已為右丞公以嫌又上章丐去遂守潁移揚復召入益不為留計元祐初錢穆父與公同在西掖又同去守杭越至是復同來故云與君幾合散先生任兵部為開曹穆父任戶部為劇部故云居官不任事又主人獨賢勞云云

彈冠恨不蚤挂冠常苦遲盛服每假寐角闕時伏思東門未祖道西山空拄頤逝將江海去安此麋鹿姿要當謀三徑何暇擇一枝與君幾合散得酒忘醇醪君談似落屑我飲如奕棊

公自注世有作詩如奕棊奕棊如飲酒飲酒乃大戒之語僕於棊酒二事

俱不能也
居官不任事造物真見私主人獨賢勞金穀方流

馳行人亦結束杖杜乃歸期公卿雖少安河流正東醺

我得會稽去方回良不癡

左傳宣公二年晨往寢門闕矣盛服將朝坐而假寐王
注角闕言帝闕之角也漢文紀未央宮東闕不愚災師
古曰不愚謂連闕曲閣也釋名不愚在闕門外不復也
臣將入議事至此復重思莊子逍遙遊鷦鷯巢於深林
不過一枝晉史胡母輔之字彥國王澄曰彥國吐佳言
如鋸木屑霏霏不絕漢溝洫志禹以為河所從來者高
水湍悍難以行平地數為敗迺醺二渠以引其河注云
醺分也晉郝愔傳字方回遷太常固讓不拜樂補遠郡
出為會稽內史久之
乞骸骨因居會稽



施註蘇詩卷三十二

欽定四庫全書

集部

施註蘇詩卷三十三

詳校官庶吉士臣李傳熊

檢討臣何思鈞覆勘

覆校官中書臣宋 鎔

校對官中書臣王鍾泰

膳錄監生臣畢所誦

膳錄監生臣張士琛

欽定四庫全書

施詩蘇詩卷三十三

宋蘇軾撰

施元之原註

武進邵長蘅刪補

詩四十一首

起在兵部消遣
禮部尚書作

次韻穆父尚書侍祠郊丘瞻望天光退而相慶

引滿醉吟

千章杞梓蔭雲天，櫟散誰收老鄭虔。
喜氣到君浮白裏，豐年及我挂冠前。
令嚴鐘鼓三更月，野宿貔貅萬竈煙。
太息何人知帝力，歸來金帛看潁肩。

杜子美送鄭虔貶台州司戶鄭公櫟散鬢成絲酒後常稱老畫師史記孫子傳使齊軍入魏地為十萬竈明日為五萬竈又明日為二萬竈韓退之城南聯句刈熟擔肩潁

郊祀慶成詩

元祐七年哲宗合祭天地于圜丘公以兵部尚書為南郊南簿

使先是朝饗八室至神宗室上涕洟不止癸巳冬至行禮上致誠極恭夜月澄爽雲

物晏溫御樓肆赦終日和燠天意昭答翼
日風寒相屬時雪如期宰執侍從進詩以
賀蓋此
詩也

帝出乘昌運天心予太平文章三代繼制作七年成大
祀乾坤合剛辰日月明泰壇朝掃地魄寶夜垂精仰御
圓蒼蓋環觀海嶽城北流吞朔易西極落欖槍升燎靈
光答回鑾瑞霧迎需雲徧枯槁解雨達句萌可頌非天
德因歲亦下情民言知有酌帝謂本無聲富國由崇儉
斷年在好生無心斯格物克己自銷兵化國安新政孤

臣反舊耕還將清廟什留與野人賡

周易帝出乎震漢食貨志三登曰太平漢孝武紀贊曰
號令文章煥然可述後嗣得遵鴻業有三代之風尚書
洛誥註周公七年成禮樂禮記成王幼弱周公踐天子
之位以治天下朝諸侯於明堂制禮作樂頒度量而天
下服七年致政於成王禮記外事以剛日鄭氏曰順其
出為陽也出郊為外事爾雅圓丘泰壇祭天也方澤泰
圻祭地也禮記掃地而祭貴質也晉天文志鉤陳口中
一星曰天皇大帝其神曰耀魄寶唐文粹李德裕武宗
冊文云振金石而六變魄寶昭臨詩國風北流活活詩
意言黃河順流也尚書平在朔易孔安國云北稱朔易
謂歲改易於北方西極謂西夏也漢天文志天槍左右
銳長數丈縮西北天橈本類星末銳長數丈石氏云槍
橈掣彗異狀其殃一也又曰秋星周易雲上於天需君
子以飲食晏樂又解卦天地解而雷雨作雷雨作而百

果草木皆甲坼解之時義大矣哉禮記季春之月生氣
方盛陽氣發泄勾者畢出萌者盡達唐李絳傳安國佛
祠欲使絳為之頌絳言大人與天地合德謂非文字所
能盡若令可述是陛下美有分限毛詩庭燎美宣王也
因以歲之禮記坊記上酌民言則下天上施詩大雅帝
謂文王予懷明德又上天之載無聲無臭後漢王符傳
化國之日舒以長故其民閑暇
而力有餘毛詩清廟祀文王也

次韻奉和錢穆父蔣穎叔王仲至四首

見和西湖月下聽琴

謾謾松下風藹藹隴上雲聊將竊比我不堪持寄君半
生寓軒冕一笑當琴尊良辰飲文字晤語無由醺我有

鳳鳴枝背作蛇蚺紋月明委靜照心清得奇聞當呼玉

澗手

公自注家有雷琴甚奇古玉澗道人崔閑妙于雅聲當呼使彈

一洗羯鼓昏請歌

南風曲猶作虞書渾

王注鳳鳴枝琴也琴古而漆裂則有蛇蚺紋蛇蚺字出莊子注謂蛇腹下有齟齬可以行也羯鼓錄明皇酷不好琴嘗聽琴未及畢叱琴者出曰速召花奴將羯鼓來為我解穢史記樂書舜作五絃之琴以歌南風揚子虞夏之書渾渾爾

見和仇池

上窮非想亦非非下與風輪共一癡翠羽若知牛有角

空瓶何必井之耆還朝暫接鵷鸞翼謝病行收麋鹿姿
記取和詩三益友他年弭節過仇池

華嚴經四空處天無邊處天無所有處天非想非非想
處天又金輪水際外有風輪樓炭經地深二十億萬里
下有金粟金剛亦各二十億萬里下有水際八十億萬
里此雖六重前四是地輪第五水輪第六風輪共一癡
言上天下地皆然蓋佛氏謂之界者一癡想所成也白
樂天詩上自非想頂下及風水輪杜子美赤霄行孔雀
未知牛有角渴飲寒泉逢抵觸赤霄玄圃頂往來翠尾
金華不辭辱漢陳遵傳揚雄作酒客難法度士曰子猶
瓶矣觀甌之居居井之耆處高臨深動常近危唐上官
儀曰御史供奉赤墀下接武夔龍蓮羽鵷鸞三益友指
言錢蔣王也仇池詳見
三十二卷雙石詩注

玉津園

承平苑囿雜耕桑六聖勤民計慮長碧水東流還舊派

公自注玉津分蔡河上流復合於下紫壇南峙表連岡不逢遲日鶯花亂

空想疎林雪月光千畝何時躬帝籍斜陽寂歷鏤雲莊

六聖謂太祖太宗真宗仁宗英宗神宗漢郊祀志甘泉泰畤紫壇八觚宣通象八方禮記天子籍田千畝以事天地

籍田

竊脂方紀瑞布穀未催耕魚沫依蘋渚蝸涎上綵楹江

湖來夢寐蓑笠負平生琴裏思歸曲因君一再行

左傳昭十七年少皞摯之立也鳳鳥適至故紀於鳥為鳥師而鳥名九扈為農正杜預曰桑扈竊脂也文選石季倫有思歸引序注已見

頃年楊康功使高麗還奏乞立海神廟于板橋

僕嫌其地湫隘移書使遷之文登因古廟而新

之楊竟不從不知定國何從見此書作詩稱道

不已僕不能記其云何也次韻答之

楊康功名景畧洛陽

人元豐間以起居郎使高麗為國王祭奠使歸稱上旨就賜金紫擢中書舍人終龍圖閣

待制知揚州

退之仙人也游戲於斯文談笑出奇偉鼓舞南海神頃

年三韓使幾為鯨鰐吞歸來築祠宇要使百賈奔

公自注板

橋商賈所聚

我欲遷其廟下數浮空羣

公自注謂登州海市

移書竟不

從信非磊落人公胡為拳拳繫此空中雲作詩頌其美

何異刻劍痕我今已括囊象在六四坤

韓退之南海神廟碑海於天地間為物最鉅而南海神次最貴在北東西三神河伯之上號為祝融傳燈錄南泉云汝道空中一片雲為復釘釘住為復藤纜著刻劍出呂氏春秋詳二十二卷王仲父哀辭注周易坤之六

四曰括囊
无咎无譽

沐浴啟聖僧舍與趙德麟邂逅

趙德麟名令時舊字景貺事見

三十卷先生守穎德麟在幕府郡有西湖每相從其上至是官滿入京故有東穎西湖季

子來歸之句時先生力求會稽故有同泛越溪之句

南山北闕兩非真東穎西湖迹已陳
季子來歸初可喜
老聃新沐定非人酒清不醉休休暖
睡穩如禪息息勻
自笑塵勞餘一念明年同泛越谿春

孟浩然詩北闕休上書南山歸敝廬春秋閔元年八月季子來歸穀梁傳其曰季子貴之也其曰來歸喜之也

莊子田子方孔子見老聃老聃新沐方將被髮而乾熱然似非人注熱不動兒神仙傳焦先卧于雪下氣息休如盛暑醉卧之狀

次韻王仲至喜雪御筵

元祐七年南郊罷時雪如期先生是歲自揚州

召歸故云偶還仗內身如寄仲至名欽臣時權工部侍郎

三軍喜氣鑠飛花睡起空驚月在沙未集驂騑金駟裏
故殘鵲玉橫斜偶還仗內身如寄尚憶江南酒可賒
宣勸不多心自醉強扶衰白拜君嘉

杜子美宣政退朝詩雪殘鵲亦多時唐儀衛志衛凡朝會之仗二衛番上分為五仗一曰供奉仗二曰親仗

三曰勲仗四曰翊仗五曰散手仗每月以四十六人立
內廊閣外號曰內仗以左右金吾將軍當上中郎將一
人押之朝罷皇帝步入東序門然後放仗後漢劉寬傳
帝嘗令講經寬于坐被酒睡伏帝問太尉醉耶對曰任
重責大憂心如醉左傳襄四年晉侯享魯穆叔歌
鹿鳴之三穆叔曰君所以嘉寡君也敢不拜嘉

僕所藏仇池石希代之寶也王晉卿以小詩借
觀意在於奪不敢不借然以此詩先之

海石來珠宮秀色如蛾綠坡陀尺寸間宛轉陵巒足連
娟二華頂空洞三茅腹初疑仇池化又恐瀛洲感殷勤
嶠南使餽餉淮東牧

公自注僕在揚州程德孺自嶺南解官還以此石見遺

得之

喜無寐與汝交不瀆盛以高麗盆藉以文登玉

公自注僕以高

麗所餉大銅盆貯之又以登州海石如碎玉者附其足

幽光先五夜冷氣壓三伏

老人生如寄茅舍久未卜一夫幸可致千里常相逐風
流貴公子竄謫武當谷見山應已厭何事奪所欲欲留

嗟趙弱寧許負秦曲傳觀慎勿許間道歸應速

楚詞紫貝闕兮珠宮再見南部新書青黛螺光明鮮翠
每一螺直千金當時名之曰蛾緣漢舊儀中黃門持五
夜謂自甲夜至戊夜也唐地理志均州武當郡有武當
山九域志武當山一名仙室山山上有巖澗凡三十七
所趙弱四句用史記藺相如歸璧事詳已見

次天字韻答岑巖起

岑巖起名象求梓州人元祐四年為郎考功用蘇文

定公薦拜殿中侍御史文定執政以嫌徙金部郎事徽宗於王郎終實文閣待制第四卷

送岑著作詩

即巖起也

一聲清蹕霧開天百辟心莊豈貌虔回顧驚君珠玉側

同升愧我粃糠前裴回月色留壇影縹緲松香泛蠟烟

公自注近制以椽燭松明易粃盆

莫嘆郎潛生白髮聖朝求舊鄙鳬肩

周禮卿士大祭祀帥其屬夾道而蹕漢儀注皇帝輦動稱警出殿則傳蹕晉衛玠傳王濟歎曰珠玉在側覺我形穢孫綽傳與習鑿齒共行綽在前顧謂習曰沙之汰之瓦礫在後習曰簸之揚之糠粃在前後漢張衡傳尉

龐眉而郎潛鳶肩用
唐馬周事竝已見

次韻蔣穎叔二首

扈從景靈宮

道人幽夢曉初還已覺笙簫下月壇
風伯前驅清宿霧
祝融參乘破朝寒
英姿連壁從多士
妙句鏘金和八鑾

已向詞臣得頗牧

公自注時穎叔新除熙河帥

路人莫作老儒看

楚詞遠遊風伯為余先驅兮辟氛埃而清涼漢司馬相如傳大人賦祝融警蹕御子虛賦陽子參乘嬖阿為御韓退之荆潭唱和詩序鏗鏘發金石世說孫興公作天台賦成以示范榮期云卿試擲地要作金石聲詩

小雅四牡彭彭八鸞鏘鏘唐畢誠傳為翰林學士宣宗
召訪邊事誠條狀甚悉帝悅曰吾將擇能帥者孰謂頗
牧在吾禁署卿為朕行
手即拜邠寧節度使

凝祥池

似知金馬客時夢碧雞坊冰雪消殘臘煙波寫故鄉鳴
鸞自容與立馬从回翔乞與三韓使新圖到樂浪

公自注時

高麗使在都下每至
勝景輒圖畫以歸

碧雞坊在成都杜子美詩云時出碧鷄坊西郊向草堂
漢地理志樂浪郡武帝元封三年開故朝鮮國也圖畫
見聞志高麗國熙寧甲寅歲遣使金良鑒入貢訪中國
圖畫銳意購求稍精者十無一二然猶費三萬餘緡丙

辰冬復遣使崔思訓入貢因將帶畫工數人乞摹寫相國寺壁畫歸國詔許之於是畫摹之持歸其畫人頗有精于筆法者

和叔盜畫馬

天驥德力脩馬外龍鱗中皇天不遣言兀與圖畫一作畫圖

同駑駘飽官粟未受一洗空十駕均一至何事簡雲風

南秦錄呂光討西域平上疏曰惟龜茲據三十六國之中入其國城天驥龍鱗腰裏丹髭萬計盈廐元微之望雲騅歌色沮聲悲仰天訴天不遣言君未識杜子美丹青引斯須九重真龍出一洗萬古凡馬空荀子驥一日而千里駑馬十駕亦及之矣簡雲字出漢禮樂志屢見

王晉卿示詩欲奪海石錢穆父王仲至蔣穎叔
皆次韻穆至二公以為不可許獨穎叔不然今
日穎叔見訪親睹此石之妙遂悔前語僕以為
晉卿豈可終閉不予者若能以韓幹二散馬易
之者蓋可許也復次前韻

相如有家山縹緲在蒼綠誰云千里還寄此一顰足平
生錦繡腸早歲藜莧腹從教四壁空未遣兩峰感吾今
况衰病義不忘樵牧逝將仇池石歸沂岷山瀆守子不

貪寶完我無瑕玉故人詩相戒妙語予所伏一篇獨異
論三占從兩卜君家畫可數天驥紛相逐風駿掠原野
電尾梢澗谷君如許相易是亦我所欲今朝安西守來
聽陽關曲勸我留此峰他日來不速

西京雜記文君着色不加黛常如遠山再見李白翰林
集序太白弟令問嘗目白曰兄心肝五臟皆錦繡耶韓
退之詩三年國子師腸肚習藜藿左傳襄十五年子罕
曰我以不貪為寶爾以玉為寶不若人有其寶尚書三
人占則從二人之言柳子厚龍城錄寧王善畫馬六馬
涿塵圖明皇最愛玉面花驄謂無纖悉不備風駿霧鬣
信偉如也唐書地理志洮
州臨洮郡有府一名安西

欲以石易畫晉卿難之穆父欲兼取二物穎叔
欲焚畫碎石乃復次前韻并解二詩之意

春冰無真堅霜葉失故綠鸚疑鵬萬里蛇笑夔一足二
豪爭攘袂先生一捧腹明鏡既無臺淨瓶何用甃盆山
不可隱畫馬無由牧聊將置庭宇何必棄溝瀆焚寶真
愛寶碎玉未忘玉久知公子賢出語耆年伏欲觀轉物
妙故以求馬卜維摩既復捨天女還相逐授之無盡燈
照此久幽谷定心無一物法樂勝五欲三我吾鄉里萬

馬君部曲卧雲行歸休破賊看神速

公自注晉卿將種常有此意

莊子秋水篇夔謂蛇吾以一足踰蹕而行子無如矣今子之使萬足獨奈何蛇曰予動吾天機而不知其所以然晉劉伶傳嘗醉與俗人相忤其人攘袂奮臂而往伶徐曰雞肋不足以安尊拳傳燈錄神秀云心如明鏡臺六祖云明鏡亦無臺又百丈名為山云為山勝景汝當居之華林曰某甲忝居上首祐公何得住持百丈曰若能下得一句出格當與住持即指淨餅問云不得喚做淨瓶華林曰不可喚作木椀也百丈又問祐師師踢倒淨餅百丈笑云輸卻山子也楞嚴經衆生皆轉於物若能轉物即同如來維摩經魔波旬言居士可捨此女以一切所有於彼者是為菩薩維摩言我已捨矣汝便將去於是諸女問維摩我等云何止於魔宮居士乃言諸姊有法門名無盡燈無盡燈者譬如一燈然百千燈冥者皆明明終不盡又互見六卷上元詩注傳燈錄六祖

偈云本來無一物維摩經汝等已發道意有法樂可以
自娛法華經堅著於五欲癡愛故生惱因造立宅舍五
娛欲自

生日劉景文以古畫松鶴為壽且貺佳篇次韻
為謝

問子一室間寧有千里廓塵心洗長松遠意發孤鶴生
朝得此壽死籍疑可落微言在參同妙契藏九籥故人
有奇趣逸想寄幽壑霜枝謝寒暑雲翮無前卻何須構
明堂未羨巢阿閣緬懷別時語復作數日惡詩腴固堪

食字瘦還可愕高標忽在眼清夢了如昨君今噲等伍
志與湛輩各豈待相願言方為不朽託子雲老執戟長
孺終主爵吾當追松喬子亦鄙衛霍

抱朴子小餌丹法服之二日司命削其死籍李太白詩
北艷落死名南斗上生籍白樂天詩授我參同契其辭
妙且微神仙傳魏伯陽齊會稽上虞人也得古文龍虎
上經盡獲妙旨公因約其象著參同契三卷鮑昭升天
行五圖發金記九禽隱丹經注云仙家有九轉金丹法
而禽所以藏書也白樂天松詩殺身獲其所為君構明
堂軒后本紀鳳集東園梧桐又巢阿閭南齊王儉傳世
祖嘗問當今誰能為五言詩儉曰謝朓得父膏腴晉羊
祜傳從事鄒湛曰公令聞令望必與此山俱傳至若湛
輩乃當如公言耳互詳十七卷與王郎昆仲詩注漢汲

黠傳字長孺武帝
召為主爵都尉

程德孺惠海中栢石兼辱佳篇輒復和謝

程德孺名

之元持節嶺南歸惠此石故皆
用嶺南事德孺時為主客郎中

嵐薰瘴染卻敷腴笑飲食泉獨繼吳未欲連車收薏苡
官教沈網取珊瑚不知庾嶺三年別收得曹溪一滴無
但指庭前雙栢石要予臨老識方壺

飲貪泉晉吳隱之事薏苡後漢馬援事竝已見洽聞記
籀錄國海中珊瑚生于水底以大船鐵網取之名其所
為珊瑚洲南越志南越以五嶠為限東曰大庾九域志
大庾嶺本屬虔州大庾縣淳化三年以縣置南安軍傳

燈錄僧問雲門如何是曹溪一滴水再見又趙州從諗
禪師凡有僧入室但指庭前柏樹云庭前柏樹子捨遺
記海中有三山其形如壺方丈曰
方壺蓬萊曰蓬壺瀛洲曰瀛壺

次秦少游韻贈姚安世

帝城如海欲尋難
官捨漁舟到杏壇
剝啄扣君容膝戶
巍我笑我切雲冠
問羊獨怪初平在
牧豕應同德曜看
官把參同較同異
小牕相對為研丹

莊子漁父篇孔子休乎杏壇之上絃歌鼓琴奏曲未半
漁父下船而來楚辭九章冠切雲之崔巍問羊黃初平
事詳見十四卷送將官梁左藏詩注後漢梁鴻傳牧
豕於上林苑中娶同縣孟氏女字之曰德曜孟光

次丹元姚先生韻

葉少蘊避暑錄記姚丹元事云姚因王鞏以進於東坡本

京師富人王氏子為父逐去事建隆觀一道士天資頗慧因取道藏徧讀或能成誦又多得其方術丹藥作詩間有放浪奇譎語故能成其說浮沉淮南屢易姓名後復其姓名為王繹又易名元誠力詆林靈素為其毒死

浮生知幾何僅熟一釜羹
於俯仰間用此委曲情
自憐無他腸偶亦得此生
懸知當去客中有不亡存
但恐宿緣重每為習氣昏
似聞梅子真近在吳市門
未能肩拍洪但欲目擊溫
不敢扣門呼恐作踰垣奔
且令紹介

先徐以方便論不學劉更生黃金鑄尚方不學房次律
身事問潁陽王烈亦何人叔夜未可量獨見神山開遽
飡石髓香至道尚聽瑩麤材終蹶張先生喜而笑幅巾
登我堂苦誓指黃壤要言刻青琅蓬萊在何許弱水空
相望且當從嵇阮耶復數山王達人友四海曲士守一
疆慎勿使形謀兒童驚夜光

漢書衛綰傳以戲車為郎文帝以為廉謹實無他腸以
為河間王大傅陶淵明雜詩身為逆旅舍我如當去客
莊子田子方吾有不亡者存韓退之華山女詩仙梯難
攀俗緣重楞嚴經陀耶微細識習氣成暴流漢梅福字

子真變姓名為吳市門卒詳見九卷次韻陳海州注郭
景純遊仙詩左挹浮丘袖右拍洪崖肩莊子田子方溫
伯雪子舍於魯仲尼見之而不言子路問之仲尼曰若
夫人者目擊而道存矣不可以容聲矣維摩經維摩詰
以方便現身有疾廣為說法法華經以方便力柔伏其
心漢楚元王傳向字子政本名更生尚方鑄作事詳十
二卷贈王仲素寺丞詩注酉陽雜俎邢和璞善心算作
頽陽書疏房琯太尉祈問終身之事邢言若由東南止
西北祿命卒矣降魄之處非館非寺非塗署病起於魚
殮木材用龜茲板其後房公舍閬州紫極宮見有治龜
茲板者始憶邢之言有頃刺史具鱸邀琯琯悟具以板
事白於刺史其夕病鱸卒也王烈石髓事屢見嵇康字
叔夜聽瑩字出莊子齊物論已見漢申屠嘉傳以材官
蹶張從高帝擊項羽晉王羲之傳去會稽郡於父母墳
前自誓朝廷以其誓苦亦不復徵之本草玉石部青琅
玕注瑠璃之類火齊寶也續仙傳謝自然曰每登玉霄

峯即見滄海蓬萊亦應不遠於是入海遇一道士笑謂
曰蓬萊隔弱水此去三萬里非飛仙莫到又互見前莊
子列禦寇內誠不解形謀成光以外鎮人心使人輕乎
貴老而整其所患注整猶醅釀也韓退之詩兒童畏雷
電魚鼈
驚夜光

次韻秦少游王仲至元日立春三首

省事天公厭兩回新年春日併相催殷勤更下山陰雪
要與梅花作伴來

己卯嘉辰壽阿同

公自注子由一字同叔元日己卯渠本命也

願渠無過亦

無功明年春日江湖上回首觚稜一夢中

詞鋒雖作楚騷寒德意還同漢詔寬好遣秦郎供帖子

盡驅春色入毫端

公自注立春日翰林學士供詩帖子

上元侍飲樓上三首呈同列

澹月疎星遶建章仙風吹下御爐香侍臣鵠立通明觀

一作一朶紅雲捧玉皇

薄雪初銷野未耕賣薪買酒看升平吾君勤儉倡優拙
自是豐年有笑聲

史記范雎傳楚之鐵劍利而倡優拙夫鐵劍利則士勇倡優拙則思慮遠

老病行穿萬馬羣九衢人散月紛紛歸來一盞殘燈在

猶有傳柑遺細君

公自注侍飲樓上則貴戚爭以黃柑遺近臣謂之傳柑聽攜以歸蓋故事

也

漢東方朔傳歸遺

細君又何仁也

送蔣穎叔帥熙河

并引蔣穎叔名之奇已見二十四卷

穎叔出使臨洮與穆父仲至同餞之各賦詩一篇

以今我來思為韻致遄歸之意得我字

西方猶宿師論將不及我苟無深入計緩帶我亦可承

明正須君文字祭藻火自薦雖云數畱行終不果正坐
喜論兵臨老付邊瑣新詩出談笑僚友困掀簸我欲歌
杖杜楊柳方婀娜邊風事首鹵所得蓋么麼願為魯連
書一射聊城竒陰功在不殺結草酬魏顆

漢韓安國傳孝文寤於兵之不可宿也故復和親之約
顏師古注宿久留也晉羊祜傳祜在軍輕裘緩帶尚書
藻火粉米黼黻絺繡以五采彰施於五色作服漢丙吉
傳鹵入雲中代郡吉召東曹案邊長吏瑣科條其人詩
小雅杖杜勞還役也又采薇昔我往矣楊柳依依漢衛
青傳至龍城斬首鹵數百史記魯仲連傳齊田單攻聊
城不下仲連為書約之矢以射城中遺燕將燕將見書
泣三日乃自殺聊城亂田單遂屠聊城說文竒箭莖也

魏顥事出左傳宣十五年詳見
卷四送蔡冠卿知饒州詩注

再送二首

使君九萬擊鵬鴟
官為陽關一斷魂
不用寬心九千里
安西都護國西門

唐地理志安西大都護府初治西州正觀中置漢書鄭
吉初護鄯善以西南道既破車師降日逐威震西域遂
并護車師以西北道
故號都護自吉始焉

餘刃西屠橫海鯢
應予詩讖是游魂
歸來趁別陶弘景
看挂衣冠神武門

莊子養生主其於游刃必有餘地矣木玄虛海賦其魚則橫海之鯨游魂公先有詩與穎叔云須知羌鹵是游魂故申言之而曰詩讖也漢賈誼傳讖言其度注識驗也有徵驗之書也陶弘景詩意公自謂也

次韻穎叔觀燈

安西老守是禪僧到處應然無盡燈永夜出游從萬騎諸羌入看擁千層便因行樂令投甲不用防秋更打冰振旅歸來還侍宴十分宣勸恐難勝

魏武紀賊將見公悉於馬上拜秦胡觀者前後重沓唐陸贄傳西北邊歲調河南江淮兵謂之防秋毛詩伐鼓淵淵振旅闐闐

次韻王晉卿奉詔押高麗燕射

北苑傳呼陞楯郎東夷初識令君香
天山自可三箭取海國何勞一葦航
宣勸不辭金盃側醉歸爭看玉鞭長
錦囊詩草勤收拾莫遣鷄林得夜光

陞楯郎出史記滑稽傳再見世說荀令君至人家坐處
三日香唐書薛仁貴傳為鐵勒道行軍總管時九姓衆
十餘萬令驍騎來挑戰仁貴發三矢輒殺三人軍中歌
曰將軍三箭定天山壯士長歌入漢闕九姓遂衰李賀
傳每旦出從小奚奴背古錦囊遇所得投囊中未嘗先
立題然後為詩白居易傳最工詩當時士人爭傳鷄林
行賈售其國相率易一金偽者相輒能辨之

次韻錢穆父王仲至同賞田曹梅花

四朝正史
錢穆父傳

載其復知開封臨事益精明東坡乘其据案
時遣之詩穆父操筆立賦以報坡曰電掃廷
訟響答詩筒近所未見也然穆父以是歲二
月十八日再除開封田曹賞梅倡和猶當是
為戶部尚書時此後止有次韻穆父馬上寄
蔣穎叔二絕而東坡出帥定武和送別一詩
爾響答詩筒顧未見之豈倡酬猶
有遺逸耶坡公之語不應虛發也

寒廳不知春獨立耿玉雪閉門愁永夜置酒及明發忽
驚庭戶曉未受煙雨沒浮光風宛轉照影水方折鬢霜
未易掃蒼斧真自伐惟當此花前醉卧黃昏月

淮南子水圓折者有珠方折者有五
枚叔七發皓齒蛾眉命曰伐性之斧

送襄陽從事李友諒歸錢塘

李友諒字叔益錢塘人舉進士紹聖

初右正言張商英論元祐以來刑賞失當謂
友諒當衝替因與蘇軾厚善三省為之掩匿
云

居杭積五歲自意本杭人故山歸無家欲卜西湖鄰良
田不難買靜士誰當親髯張既超然老潛亦絕倫李子
冰玉姿文行兩清淳歸從三人游便足了此身公隄不
改作姥嶺行開新幽夢隨子去松花落衣巾

王注髯張老潛李子皆杭州人髯張不知為誰老潛即道潛師曰參寥子者李子則友諒也公堤即蘇公堤姥嶺則天姥山也

次韻吳傳正枯木歌

吳傳正名安詩父克相神宗傳正元祐中為右司諫

與劉器之同攻蔡確竄荒服遷左史攝西掖坐草蘇黃門知汝州詞溢美罷去後為子累編置湘中詩中有龍眠居士本詩人指李伯時也

天公水墨自奇絕瘦竹枯松寫殘月夢回疎影在東牕
驚怪霜枝連夜發生成變壞一彈指乃知造物初無物
古來畫師非俗士妙想實與詩同出龍眠居士本詩人

能使龍池飛霹靂君雖不作丹青手詩眼亦自工識拔
龍眠胸中有千駟不獨畫肉兼畫骨但當與作少陵詩
或自與君拈秃筆東南山水相招呼萬象入我摩尼珠
盡將書畫散朋友獨與長鉞歸來乎

卓異記天授二年十二月則天幸上苑遣使宣詔曰明
朝遊上苑火急報春知花須連夜發莫待曉風吹凌晨
名花瑞草布苑而開楞嚴經度百千劫猶如彈指杜子
美曹將軍畫馬圖詩曾貌先帝照夜白龍池十日飛霹
靂又丹青引幹惟畫肉不畫骨又韋偃畫馬歌戲拈秃
筆掃驂駟歛見騏驎出東壁圓覺經清淨摩尼寶珠映
於五色隨
方各現

送黃師是赴兩浙憲

二十二卷有泗州除夜雪中黃師是送酥酒詩黃師

是名實神宗時登進士第歷京東河北轉運師是為章子厚之甥子由官陳師是二女皆為子由婦哲宗欲召用而林希用是沮之終寶文閣待制知定州贈龍圖閣直學士孫勰跋此詩云先生侍兒嘗問朝之諸公遷擢不淹時獨黃師是昔為提刑今又提刑何也先生時方作詩送之故有白首沈下吏綠衣有公言之句按陸游序亦云侍妾朝雲嘗嘆黃師是仕不進故此句之意戲言其上僭云

世久無此士我晚得王孫寧非叔度家豈出次公門白
首沈下吏綠衣有公言哀哉吳越人久為江湖吞官自

倒帑廩飽不及黎元近聞海上港漸出水底村願君五
袴手招此半菽魂一見刺史天稍忘獄吏尊會稽入吾
手鏡湖小於盆比我東來時無憂瘡痍存

後漢徵君黃憲字叔度西漢循吏黃霸字次公五袴後
漢廉范事屢見漢項籍傳今歲饑民貧卒食半菽後漢
蘇章傳為冀州刺史故人為清河太守章行部請太守
陳平生之好太守喜曰人皆有一天我獨有二天漢周
勃傳下庭尉既出曰吾嘗將百萬軍安知
獄吏之貴也會稽句先生時方請越故云

送范中濟經略侍郎分韻賦詩得先字且贈以
魚枕杯四馬箠一以元戎十乘以先啟行為韻

范中濟字子奇五世祖仁恕相蜀因葬成都
祖雍字伯仁始家河南中濟以蔭歷官判將
作監使契丹鹵欲撓之不為屈歷四路漕左
司司農卿由河陽守召權戶部侍郎元祐八
年二月為集賢殿修撰知慶州伯仁在仁宗
時為副樞李元昊叛拜鎮武節度使知延州
又知永興軍故云廟堂選世將范氏真多賢
中濟在慶進寶文閣待制廣儲蓄城柵嚴守
備羈黥羌推誠待下人樂為用
入為吏部侍郎以待制致仕

梁李久樂禍自焚豈非天兩鼠鬪穴中一勝亦偶然謀
初要百慮善後乃萬全廟堂選世將范氏真多賢仁風
被宿麥綠浪搖秦川號令聳毛羽先聲落虛弦我家天

一方去路城西偏投竿困障日賣劍行歸田贈君荆魚
杯副以蜀馬鞭一醉可以起毋令祖生先

梁李謂西夏二種族西夏在唐賜姓李為李繼遷本朝
賜姓趙為趙元昊承襲者姓趙其餘種族猶李姓梁則
其妻之黨也左傳莊二十年王子頽歌舞不倦樂禍也
又隱四年魯大夫衆仲曰兵猶火也弗戢將自焚史記
趙奢傳秦伐韓軍於閼與奢曰其道遠險狹譬猶兩鼠
鬪於穴中將勇者勝後漢安帝記詔以宿麥不下賑賜
貧人注宿舊也麥必經年而熟故稱宿落虛弦用戰國
策更羸射鴈事再見歐陽公送劉侍讀詩酌君以荊州
魚枕之蕉贈君以宣城鼠須之筆杜牧之送冀處士詩
贈以蜀馬箠副之胡罽裘晉劉琨傳與祖逖為友聞祖
逖被用曰吾枕戈待旦
常恐祖生先吾著鞭

書晁說之考牧圖後

我昔在田間但知羊與牛
川平牛背穩如駕百斛舟
舟行無人岸自移我卧讀書牛不知
前有百尾羊聽我鞭聲如鼓輦
我鞭不妄發視其後者而鞭之
澤中草木長草長病牛羊尋山跨坑谷
騰趲筋骨強煙簑雨笠長林下老去而今空見畫
世間馬耳射東風悔不長作多牛翁

圓覺經雲駛月運舟行岸移
唐李宓傳以蒲羈乘牛挂漢書一帙角上行且讀神仙傳王方平牽蔡經鞭之曰

吾鞭亦不可妄得也莊子達生篇善養生者若牧羊視其後者而鞭之杜子美詩老去人間空見畫李白寒食獨酌詩世人聞此皆掉頭有如東風射馬耳

呂與叔學士挽詞

呂與叔名大臨京兆藍田人博學無所不通尤深於春秋

二禮每欲掇拾三代遺文舊制今今可行不為空言以拂世駭俗元祐間從官薦其行義修飭文詞爾雅除太學博士遷祕書省正字范內翰淳甫乞以備勸講未及用而卒兄大忠字進伯終寶文閣直學士大防字微仲為左僕射兄弟平居相切磋論道考禮制度冠婚喪祭一本於古關中言禮學者推呂氏

言中謀猷行中經闕西人物數清英欲過叔度留終日

未識魯山空此生論議凋零三益友功名分付二難兄
老來尚有憂時歎此涕無從何處傾

後漢黃憲傳字叔度荀淑遇憲於逆旅與語移日不能
去世說郭林宗至汝南造袁奉高車不停軌鑒不輟輒
詣黃叔度乃彌日信宿唐元德秀傳字紫芝蘇源明嘗
語人曰吾不幸生此衰俗所不恥者識元紫芝也嘗為
魯山令天下高其行謂之元魯山再見世說陳元方子
長文季方子孝光各論其父功德爭之不決白於太丘
太丘曰元方難為兄季方難為弟禮記孔子遇舊館人
之喪入而哭之遇一哀而出涕子貢曰無乃已重乎子
曰予惡夫涕之無從也

丹元子示詩飄飄然有謫仙風氣吳傳正繼作

復次其韻

飛仙亦偶然脫命瞬息中惟詩不可擬如寫天日容夢
中哦七言玉丹已入懷一語遭綽虐失身墮蓬萊蓬萊
至今空護短不養才上界足官府謫仙應退休可憐吳
與蘇骭髀雪滿頭雪滿頭終當卻與丹元子笑指東海
乘桴浮

楞嚴經衆生堅固草木而不休息藥道圓成名飛行仙
韓退之記夢詩壯非少者哦七言六字常語一字難我
以指撮白玉丹行且咀嚼行詰盤口前截斷第二句綽
虐顧我顏不歡乃知仙人未賢聖護短憑愚邀我敬

次韻王定國書丹元子寧極齋

仙人與吾輩寓迹同一塵何曾五漿餽但有爭席人寧
極無常居此齋自隨身人那識郝鑒天不留封倫誤落
世網中俗物愁我神先生忽扣戶夜呼祁孔賓便欲隨
子去著書未絕麟願挂神虎一作武冠往卜飲馬鄰王郎

濯紈綺意與陋巷親南游苦不蚤儻及萼鱸新

莊子列禦寇吾嘗食於十漿而五漿先饋寓言篇其往也舍者避席煬者避竈其反也舍者與之爭席矣繕性篇不當時命而大窮乎天下則深根寧極而待此存身之道也唐紀聞譚武威段碧天寶五載過魏郡逆旅有

客市藥碧知是道者即市醪薦之自言吾姓孟名期思
居在恒山碧祈至山中遂約入山居五日孟先生曰今
日盍謁老先生於是啟西室老先生據牀碧謁拜焉碧
在山四年見老先生出戶不過五六度但端坐正心禪
觀不食每出禪時即飲少藥汁碧問孟叟老先生為誰
叟取晉書郝鑒傳吟讀之曰欲識先生即鑒也杜牧之
題魏文貞詩可憐貞觀太平後天且不留封德彝封倫
字德彝再見晉初嘉字孔賓事詳十八卷石芝詩注左
傳哀十四年春西狩獲麟杜預曰仲尼傷周道之不興
感嘉瑞之無應故因魯春秋而脩中興之教絕筆於獲
麟之一句所感而作故所以為終也挂冠
陶弘景事屢見神虎門避唐諱改神武

王仲至侍郎見惠穉桔種之禮曹北垣下今百

餘日矣蔚然有生意喜而作詩

翠枯東南美近生神嶽陰惜哉不可致霜根絡雲岑仙
風振高標香實墮平林偶隨樗櫟生不為樵牧侵忽驚
黃茅嶺稍出青玉鉞好事雖力取王城少知音豈無換
鵝手但知覓來禽高懷獨夫子一見捐橐金得之喜不
寐贈我意殊深公堂開後閣凡木媿華簪栽培一寸根
寄子百年心常思樊籠中摧我鸞鶴衿誰知積雨後寒
芒曉森森恨我迫歸老不見汝十尋蒼皮護玉骨旦莫
視古今何人風雨夜卧聽饑龍吟

換鷺來禽用王羲之事屢見莊子千
歲而一過大聖是猶旦莫過之也

施註蘇詩卷三十三

欽定四庫全書

施註蘇詩卷三十四

宋蘇軾撰

施元之原註

武進邵長蘅刪補

詩五十七首

起在禮部洎元祐八年癸酉出知定州紹聖
甲戌改元就任落職知英州再貶惠州赴嶺
道中作

次韻錢穆父馬上寄蔣穎叔二首

玉關不用一丸泥自有長城烏鼠西
剩與故人尋土物
臘糟紅麴寄馳驍

後漢隗囂傳囂將王元曰請以一丸泥為大王東封函
谷關唐李勣傳治并州十六年以威肅聞帝嘗曰煬帝
不擇人守邊勞中國築長城以備鹵今我用勣守并突
厥不敢南賢長城遠矣尚書西傾朱圉烏鼠孔安國云
在隴西之西
雍州之南山

多買黃封作洗泥使君來自隴山西
高才得免人人羨
爭欲尋蹤覓舊驍

莊子外物篇筌者所以在魚得魚而忘筌蹠者所以在兔得兔而忘蹠

表弟程德孺生日

程德孺名之元事見二十四卷送德孺守楚州詩注德孺

元祐七年六月自嶺外持節歸以右朝奉郎為主客郎中進金部時與先生同朝先生還

自海南又與德孺會金山始決計歸毗陵

仗下千官散紫庭微聞偶語說蘓程長身自昔傳甥舅

壽骨遙知是弟兄

公自注予與君皆壽骨貫耳班列中多指予二人不問而知其為中表也

曾活萬人寧望報

公自注君在楚州予在杭州皆遇饑歲活數萬人

祇求五畝

卻歸耕四朝遺老凋零盡鶴髮他年幾箇迎

七年九月自廣陵召還復館於浴室東堂八
年六月乞會稽將去汶公乞詩乃復用前韻

三首

乞郡三章字半斜廟堂傳笑眼昏花上人問我遲留意

待賜頭綱八餅茶

公自注尚書學士得賜頭綱
龍茶一斤今年綱到最遲

夢繞吳山卻月廊白梅盧橘覺猶香

公自注杭州梵天
寺有月廊數百間

寺中多白
楊梅盧橘

會稽且作須臾意從此歸田策最良

東南此去幾時歸倦鳥孤飛豈有期斷送一生消底物

三年光景六篇詩

吳子野將出家贈以扇山枕屏

峨峨扇中山絕壁信天剖誰知大圓鏡衡霍入戶牖得
之老月師畫者一醉叟常疑若人胸自有雲夢數千巖
在掌握用捨彈指久低昂不自知恨寄兒女手短屏雖
曲折高枕謝奔走出家非今日法水洗無垢浮遊雲釋
嶠宴坐柳生肘忘懷紫翠間相與到白首

楞嚴經六根圓通明照無二含十方界立大圓鏡後漢
馬援傳何能卧牀上在兒女子手中耶韓退之詩釋嶠

孤雲縱莊子至樂篇支離叔與滑介叔觀於冥伯之邱崐崙之虛黃帝之所休俄而柳生其左肘

東府雨中別子由

庭下梧桐樹三年三見汝前年適汝陰見汝鳴秋雨去
年秋雨時我自廣陵歸今年中山去白首歸無期客去
莫歎息主人亦是客對牀定悠悠夜雨空蕭瑟起折梧
桐枝贈汝千里行歸來知健否莫忘此時情

漢地理志中山國高帝郡景帝三年為國九域志定州
定武軍有中山城對牀夜雨按辛丑歲東坡與子由別
於鄭州詩云夜雨何時聽
蕭瑟語意詳見卷一注下

謝運使仲適座上送王敏仲北使

王敏仲名古
文正公旦曾

孫

衝風振河朔飛霧失太行相逢不相識下馬須眉黃

洗眼忽驚笑見此玉節郎喜有賢主人共惜

一作此

殘

燭光聚散一夢中人壯鴈南翔吾生如寄耳送老天
一方幸子遇明主陳經入西廂歸期不可緩倚相宜
在傍

楚辭九歌衝風起兮水橫波唐地理志懷州河內縣有
太行山杜子美贈衛八處士詩今夕復何夕共此燈燭

光歐陽公詩白雲汾水上人北鴈南飛漢揚雄甘泉賦
溶方皇於西清顏師古曰西清西廂清閑之處也廂作
箱王文本考靈光殿賦西廂踟躕以閑宴左傳昭十二年
左史倚相趨過王曰是良史也子善視之是能讀三墳
五典八
索九邱

書丹元子所示李太白真

天人幾何同一漚謫仙非謫乃其游麾斥八極隘九州
化為兩鳥鳴相酬一鳴一止三千秋開元有道為少留
縻之不可矧冒求西望太白橫峨岷眼高四海空無人
大兒汾陽中令君小兒天台坐忘身平生不識高將軍

手污吾足乃敢瞋作詩一笑君應聞

莊子田子方夫至人者上闔青天下潛黃泉揮斤八極
神氣不變曹子建七啟似若狹六合而隘九州韓退之
雙鳥詩天公怪兩鳥各捉一處囚還當三千秋更起鳴
相酬李白蜀道難歌西當太白有鳥道可以橫絕峨眉
巔李白傳初遊井州見郭子儀奇之子儀嘗犯法白為
救免及白坐永王璘當誅子儀請解官以贖子儀為中
書令汾陽王大鵬賦序昔於江陵口見天台司馬子微
謂予有仙風道骨可與神遊八極之表子微坐忘論序
敬尋經旨與心事相應者著坐忘安心之法略成七條
以為修道階次李白傳嘗侍玄宗飲醉使高力士脫鞵
力士素貴恥之摘其樂府以
激揚妃帝欲官白妃輒沮止

次韻曾仲錫承議食蜜漬生荔枝

曾仲錫溫陵人時為定武

碎

代北寒螿擣韭萍奇苞零落似晨星逢鹽久已成枯腊

得蜜猶應

一作疑

是薄刑欲就左慈求拄杖便隨李白跨

滄溟攀條與立新名字兒女稱呼恐不經

公自注俗有十八娘荔枝

蔡君謨荔枝譜紅鹽者以鹽梅浸佛桑花為紅漿投荔枝漬之曝乾色紅而甘酸蜜煎者剥生荔枝支笮去其漿然後蜜煎煮之漢楊王孫傳鬱為枯腊神仙傳孫討逆怒左慈使行於馬前欲自後刺之慈著木屐拄竹杖徐行討逆鞭馬逐之終不能及再見

大行太皇太后高氏挽辭二首

至矣吾三后功高漢已還復推元祐冠蓋得永昭全

自公

注嘗於經筵論奏仁宗皇帝謚曰明孝若明而不仁則民畏而不愛仁而不明則民愛而不畏今大行太皇太后亦兼此二德故天下思慕庶幾於仁宗也有作猶非聖無私乃是天侍臣

談要道家法信家傳

公自注宰相以下嘗於經筵論奏祖宗以來家法十餘事書於記注

三后真宗后章憲明肅劉氏仁宗后慈聖光憲曹氏英宗后宣仁聖烈高氏皆嘗垂簾聽政

邵狄安諸夏先王社稷臣固應祠百世何止活千人定策天知我忘家帝念親萬方何以報得疾為勤民

社稷臣謂楚王高瓊景德契丹之役羣臣皆欲避狄獨萊公冠準不可武臣中惟瓊與萊公意同公既爭之力

上曰卿文臣豈獨盡用兵之利害公曰請召高瓊既至乃言避狄為便公大驚以瓊為悔也既而徐言避狄固為安全但恐危駕之士中路逃亡無與俱西南者耳上大驚始決北征之策宣仁后瓊曾孫也後漢和熹鄧皇后紀叔父陔言活千人者子孫有封兄訓為謁者使修石臼河歲活千人天道可信家必蒙福后訓女也漢霍光傳定萬世策以安社稷言太皇太后定立元祐天子之策

再和曾仲錫荔支

柳花著水萬浮萍荔實週天兩歲星

公自注柳至易成飛絮落水經宿

即為浮萍荔支難長至二十四五年乃實

本自玉肌非鵲浴至今丹殼似猩

刑侍郎賦詠窮三峽妃子煙塵動四溟莫遣詩人說功

過且隨香草附騷經

莊子天運篇鵠不日浴而白烏不日黔而黑華陽國志
永昌郡有猩猩其血可染朱蜀唐白樂天為忠州刺史
有題郡中荔枝詩重寄荔枝與楊使君詩種荔枝詩荔
支樓對酒詩樂天入為刑部侍郎九域志忠州隸夔州
路三峽山在夔州唐書楊貴妃嗜生荔枝乃置騎傳送
味未變已至京師杜牧過華清宮詩一騎紅塵妃子笑
無人知是荔枝來楚辭離騷經序離騷之文依詩取興
引類譬諭故善鳥香草以配忠貞惡禽臭物以比讒佞

次韻滕大夫三首

滕大夫名興公海陵人時為定武倅

雪浪石

太行西來萬馬屯勢與岱嶽爭雄尊飛狐上黨天下脊

半掩落日先黃昏削成山東二百郡氣壓代北三家村
千峰石卷矗牙帳崩崖鑿斷開土門竭來城下作飛石
一礮驚落天驕魂承平百年烽燧冷此物僵臥枯榆根
畫師爭摹雪浪勢天工不見雷斧痕離堆四面繞江水
坐無蜀士誰與論老翁兒戲作飛雨把酒坐看珠跳盆
此身自幻孰非夢故國山水聊心存

唐文粹鄭亞會昌一品集序云上黨居天下之脊當河
朔之喉史記張儀傳席卷常山之嶮必折天下之脊山
經太華之山削成而四方王注古所謂山東乃今之河
北晉地是也杜牧云山東王不得不王霸不得不霸指

今之河北謂之山東蓋太行山之東也山東二百郡正
謂太行以東冀州之域矣杜子美河北入朝絕句澶漫
山東一百州削成如按抱青丘國史補雷州多雷秋冬
伏地中人取得雷斧雷墨可以為樂用漢溝洫志蜀守
李冰鑿離堆避沫水之害穿三江成都中韓退之盆池
詩老翁真個似童兒汲井埋盆作小池白樂天三遊洞
序水石相薄磷磷鑿鑿
跳珠濺玉驚動耳目

同前

我頃三章乞越州欲尋萬壑看交流且憑造物開山骨
已見天吳出浪頭

公自注石中似有海獸形狀

履道鑿池雖可致玉

川卷地若為收洛陽泉石今誰主莫學癡人李與牛

山海經天吳水神也八首十尾唐白居易傳東都所居履道里疏沼種樹構石樓香山鑿八節灘盧仝詩我縱有神力爭敢將公歸揚州惡百姓疑我卷地皮賈氏談錄賢皇公平泉莊周四十里天下奇花異草珍松怪石靡不畢致今悉以絕矣怪石名品甚衆各為洛陽大族有力者取去李衛公平泉花木記及詩序云後世以一花一石移於它處者非李氏子孫德裕初封贊皇伯後封衛國公唐牛僧孺傳治第洛之歸仁里多致嘉石美木白樂天石記云公嗜石以甲乙丙丁為品第

沉香石

壁立孤峰倚硯長共疑沉水得頑蒼欲隨楚客紉蘭佩誰信吳兒是木腸山下曾逢化松石玉中還有辟邪香

早知百和俱灰燼未信人言弱勝剛

唐本草注沉水香出天竺單于二國樹葉似橘經冬不凋本似檉柳重實黑色沉水者是吳兒木腸用賈充吳兒木人石心語出晉書夏統傳已見錄異記婺州永康山有枯松因斷墮水化為石枝幹及皮與松無異笠澤叢書東陽多名山金華永康之地中饒古松往往化而為石杜陽雜編自漢至唐公主下降乘七寶步輦四面綴五色玉香囊囊中貯辟邪瑞麟香皆異國所獻也唐肅宗以香玉辟邪賜李輔國其香可聞數里老子柔之勝剛弱之勝彊

石芝 并引

予嘗夢食石芝作詩記之今乃真得石芝於海上

子由和前詩見寄予頃在京師有鑿井得如小兒
手以獻者臂指皆具膚理若生子聞之隱者此肉
芝也與子由烹而食之追記其事復次前韻

土中一掌嬰兒新爪指良是肌骨勻見之怖走誰敢食
天錫我爾不及賓旌陽遠遊同一許長史玉斧皆門戶
我家韋布三百年祇有陰功不知數跪陳八簋加六瑚
化人視之真塊蘇肉芝烹熟石芝老笑唾熊掌頻雕胡
老蠶作蠶何時脫夢想至人空激烈古來大藥不可求

真契當如磁石鐵

神仙感遇記蘭陵蕭靜之買地葺居掘得一物類人手肥且潤其色微紅烹而食之逾月齒髮再生偶遊鄴都見一道士指其脉曰子之所食者肉芝也神仙傳亦云周易包有魚義不及賓也洪州十二真君傳許遜字敬之弱冠拜旌陽令晉太康二年八月一日拔宅上昇東晉尚書郎邁護軍長史穆皆族子也真誥許邁清虛懷道遐棲世外改名遠遊弟謚一名穆外雖泯俗務而內修真學穆生三男小男名颺字道翔小字玉斧禮記殷之六瑚周之八簋鄭氏云皆黍稷器毛詩於粢灑掃陳饋八簋化人塊蘇出列子詳見二十九卷與葉淳老詩注抱朴子芝有石芝木芝草芝肉芝菌芝名有百許種西京雜記菰之有未者長安謂之雕胡傳燈錄誌公善惡不二頌云聲聞執法坐禪如蠶吐絲自縛呂氏春秋慈石召鐵或引之也大涅槃經譬如磁石去鐵雖遠以

其力故鐵則隨著衆生佛性亦復如是華嚴經如好磁石少分之力則能吸壞諸鐵鉤鎖

鶴歎

園中有鶴馴可呼我欲呼之立坐隅鶴有難色側睨予
豈欲臆對如鵬乎我生如寄良畸孤三尺長脰閣瘦軀
俛啄少許便有餘何至以身為子娛驅之上堂立斯須
投以餅餌視若無戛然長鳴乃下趨難進易退我不如

漢賈誼服賦服乃太息舉首奮翼口不能言請對以臆禮記儒有難進而易退者粥粥若無能也

送曾仲錫通判如京師

邊城歲暮多風雪，強壓春醪與君別。
玉帳夜談霜月苦，鐵騎曉出冰河裂。
斷蓬飛葉卷黃沙，祇有千林鬢鬆花。
應為王孫朝上國，珠幢玉節與排衙。
左援公孝右孟博，我居其閒嘯且諾。
僕夫為我催歸來，要與北海春水爭先回。

唐藝文志有玉帳經年號記又咸通十一年以龐勛盜徐州傳貢舉盧尚卿賦詩曰自從玉帳論兵後不許金門諫獵來李華弔古戰場文月色苦兮霜白曾子固云齊地寒甚夜氣如霧凝於木上旦起視之如雪日出飄滿庭階齊人謂之霜松鬢鬆花疑即此白樂天懷微之詩今日排衙得免無後漢范滂字孟博岑暄字公孝嘯諾注屢見

和錢穆父送別并求頓遞酒

聯鑣接武兩長身
鷗鷺行中語笑親
九子羨君門戶壯
八州憐我往來頻
佇聞東府開賓閣
便乞西湖洗塞塵
更向青齊覓消息
要知從事是何人

九子穆父之子九人東坡嘗戲之為九子母丈夫又東坡嘗歷密徐湖登杭賴揚及今定武凡八郡守

劉醜廝詩

劉生望都民病羸
寄空窰有子曰醜廝
十二行操瓢墻
閒得餘粒雪中拾
墮樵饑飽共生死
水火同焚漂病翁

恃一褐度此積雪宵哀哉二暴客掣去如饑鴉翁既死
於寒客亦易此齟崎嶇走亭長不憚雪徑遙我仇祝與
苑物色同遮邀行路為出涕二客竟就臬譊譊訴我庭
慷慨驚吾寮曰此可名寄追配柳之菟恨我非柳子擊
節為爾謠官賜二萬錢無家可歸嬌為媼他日婦婉然
初垂髻洗沐作小史裹頭束其腰筆硯耕學苑弓一作戈
矛戰天驕壯大隨爾好忠孝福可徼相國有折脇封侯
或吹簫人事豈易料勿輕此焦僥

唐地理志定州望都縣莊子盜跖篇操瓢而乞者皆離
名輕死不念本養壽命者也周易重門擊柝以待暴客
柳子厚童區寄傳童寄者郴州莢牧兒年十一歲二豪
賊劫持反接布囊其口去虛所賣之寄偽兒唬恐慄為
兒恒狀賊易之對飲酒一人去市一人卧植刃道上童
以繩背刃力下上得絕因取刃殺之逃未及遠市者還
將殺童童遽曰為兩郎僮孰若為一郎僮邪市者善之
持童愈束縛牢甚夜半童以縛即爐火燒絕之復取刃
殺市者因大號一虛皆驚吏白州州白大府刺史顏証
奇之留為小吏不宥與之衣裳護還之鄉史記范睢傳
魏齊笞擊睢折脇摺齒睢佯死得出後遂相秦漢周勃
傳帝以吹簫給喪事後從高祖封絳侯列子湯問篇從
中州以東四十萬里得
焦僥國人長一尺五寸

題毛女真

霧鬢風鬟木葉衣山川良是昔人非祇應閑過商顏老
獨自吹簫月下歸

異聞集洞庭靈姻傳柳毅見龍女
風鬟霧鬢商顏老商山四皓也

寄餽合刷餅與子由

此詩真迹臨川口揆嘗刻
於葵倅聽事公自題其尾

云元祐八年十二月
二十五日醉睡中作

老人心事日摧顏宿火通紅手自焙小甑短餅良具足
穉兒嬌女共燔煨寄君東閣閑烝栗知我空堂坐畫灰
約束家僮好收拾故山黎棗待翁來

次韻子由清汶老龍珠丹

天公不解防癡龍，玉函寶方出龍宮。
雷霆下索無處避，逃入先生衣袂中。
先生不作金椎袖，玩世徜徉隱屠酒。
夜光明月空自投，一鍛何勞緯蕭手。
黃門寡好心易足，荆棘不生藜棗熟。
玄珠白璧兩無求，無脛金丹來入腹。
區區分別笑樂天，那知空門不是仙。

劉慶忌幽明錄：洛下一洞穴，深不可測，有人墮穴中，良久方甦，旁得一穴，入見郭郭臺樹，悉以金瑰為飾，人皆長三丈，因告哀求去。長人引令過九處，最後所至，苦饑餒，指中庭栢樹下一羊，令跪，捋羊鬚，初得一珠，長人取。

之次得一珠亦取之後得一珠令嗽甚得療饑因問九
處名荅曰還問張華可知其人復隨穴而出至交州七
八年間方歸終南詣華問之華曰是崑崙下地仙九館
羊名為癡龍初一珠食之與天地等壽第二珠食之可
以延年第三珠充饑而已酉陽雜俎孫思邈常隱居終
南山時大旱西域僧請於昆明池結壇祈雨凡七日縮
冰數尺池龍化為老人至思邈石室請救孫謂曰我知
昆明池有仙方三十首留傳與予子將救汝老人曰此
方上帝不許妄傳今急矣固無所恡有頃捧方至孫曰
爾第還無慮自是池水忽漲數日溢岸胡僧羞恚而死
韓退之詩仙官敕六丁雷電下取將僧史僧聞禪師住
郃武山中一日有老人謁聞曰我龍也以疲墮行雨不
職上天有罰當死賴道力可脫俄失所在聞視坐榻傍
有小蛇尺許延緣入袖中屈蟠暮夜風雷挾坐榻電激
雨射山岳為搖而聞危坐不顧達旦晴霽垂袖蛇墮地
而去史記魏信陵君傳侯生謂公子曰臣所過屠者朱

亥此子賢者世莫能知故隱屠閒耳又公子矯魏王令
代晉鄙晉鄙疑之朱亥袖四十斤鐵椎殺晉鄙公子
遂將晉鄙軍莊子列禦寇河上有家貧恃緯蕭而食者
其子沒於淵得千金之珠其父謂其子曰取石來鍛之
唐百官志門下侍郎龍朔二年改黃門侍郎按子由時
為門下侍郎靈樞經扁鵲註曰化靈為蛇女之胞十月
分胎狀如紫金上赤下黑左青右白其中央黃號曰紫
金丹白樂天詩吾學空門不學仙恐君此語是虛傳海
山不是吾歸處歸則須歸兜
率天互見七卷竹閣詩註

次韻子由書清汶老所傳秦湘二女圖

韓退之
詩秦地

吹簫女湘
波鼓瑟妃

春風消冰失瑤玉我本無身安有觸羊生得婦如得風

一卷登常山絕頂詩注分燈用維摩經無盡燈事詳見
前卷裴嗣傳奇元和中元微拂實艤舟合浦岸漂入大
海抵孤島見玉虛尊師與南誥夫人會二子拜謁求返
尊師曰子歸不難子宿分自有師夫人命侍女送二子
馭百花橋而歸二子問吾師是誰云是南嶽太極先生
既達昔維舟處回視無橋矣二子後共尋雲水偶雪中
見老叟負樵擔上有刻太極字遂禮為師隨詣祝融不
復出云方平鞭屨見史記封禪書李少君能使物卻老

紫團參寄王定國

谿訝土門口突兀太行頂豈惟團紫雲實自俯倒景剛
風被草木真氣入茗艸舊聞人銜芝生此羊腸嶺纖纖
虎豹鬣蹙縮龍蛇癭蠶頭試小嚼龜息變方騁矧予明

真子已造浮玉境清宵月挂戶半夜珠落井灰心寧復
然汗喘久已靜東坡猶故目北藥致遺秉欲持三桎根
往侑九轉鼎為予置齒頰豈不賢酒茗

本草補注人參潞州太行山所出謂之紫團參文選注
倒景氣去地四千里其景皆倒在下再見抱朴子鷗鳶
展翅不動去地四千里風力猛壯所以可驗有剛風世
界陸士衡文賦或苔發穎豎離衆絕致本草人參一名
人銜漢地理志上黨壺關縣有羊腸阪定命錄袁天綱
與李嶠同寢嶠息自耳中起曰是龜息也龜息貴壽而
不富王法珠落井以言燕納也黃庭外景經抱珠懷玉
和子室注云珠玉謂津液室謂身令人煉津液以和一
身也圖經本草相傳欲試人參者當使二人同走一與
人參含之一不與度走三五里許其不令人參者必大

喘舍者氣息自如毛詩彼有遺秉本草高麗人作人參
贊曰三扭五葉背陽向陰欲來求我掇樹相尋神仙傳
仙方有九品其七
名九轉霜雪之丹

次韻劉燾撫勾蜜漬荔枝

劉燾字無言長興人

時新滿座聞名字別久何人記色香葉似楊梅蒸霧雨
花如盧橘傲風霜每憐蓴菜下鹽豉肯與葡萄壓酒漿
回首驚塵卷飛雪詩情真合與君嘗

舊唐書白居易在南賓郡為荔枝圖寄朝中親友各記
其狀曰荔枝若離本枝一日而色變二日而香變三日
而味變四五日外色香味盡去矣北夢瑣言薛能以文
章自負累出戎鎮嘗辭薛數惜因有詩謝淮南寄茶云

麤官乞與真拋卻
賴有詩情合得嘗

立春日小集戲

一作

李端叔

李端叔名之儀其先景城人後居當

塗舉進士力學善屬文為東坡所知元祐八年九月坡出帥中山辟掌機宜文字是時時事將變端叔策知其然相與反覆論議先生是之曰自是相從之日益難得期與子游戲於文詞翰墨以寓其樂蜀人孫敏行子發亦辟在幕府而滕興公曾仲錫為倅五人相得甚懽明年五月先生遂謫嶺南端叔後歷樞密院編修官通判原州元符中監內香藥庫御史論為東坡客不可任京官詔停廢徽宗初提舉河東常平范忠宣公將薨以意授端叔作遺表未幾蔡京當國謂忠宣之子正平與端叔矯撰皆逮入御史府由是得辜貶廢

終朝請大夫有姑溪前後集七
十卷孫子發仕止奉直大夫

白髮已十載青春無一堪不驚新歲換聊與故人談
健民聲喜鴉嬌雪意酣霏微不到地和暖要宜蠶
歲月斜川似風流曲水慙行吟老燕代坐睡夢江潭
坐掾頗哀援去聲歌呼誰怕參衰懷久灰槁習氣尚饒貪
白啖本河朔紅消真劍南辛盤得青韭臘酒是黃柑
歸卧燈殘帳醒聞葉打菴須煩李居士重說後三三

陶淵明有遊斜川詩序再見鄴道元水經注宋元嘉十
一年以舊樂遊苑地為曲水武帝引流傳觴會者賦詩

王注白啖荔枝名紅消梨名一本作熊白來河北緒紅
削劍南按荔枝不應言河朔別本熊白為是延一廣清
涼傳無著禪師遊五臺山問一僧云此處衆有幾何答
曰前三三後三三又詳本卷贈清涼寺和長老詩注顧
禧云此詩方敘燕遊而遽用後三三語讀者往往不知
所謂蓋端叔在定武幙中特悅營妓董九者故用九數
以為戲爾聞其
說於強行父云

次韻曾仲錫元日見寄

蕭索東風兩鬢華年年幡勝翦宮花愁聞塞曲吹蘆管

喜見春盤得蓼芽吾國舊供雲澤米公自注定武齋酒用蘇州米君

家新致雪坑茶公自注近得曾坑茶燕南異事真堪紀三寸黃甘

擘永嘉

杜子美即事詩一雙白魚不受釣三寸黃甘猶自青按温州永嘉郡歲貢黃甘

子由生日以檀香觀音像及新合印香銀篆槃
為壽一首

旃檀婆律海外芬
西山老臍柏所薰
香螺脫麝來相羣
能結縹緲風中雲
一燈如螢起微焚
何時度盡繆篆紋
繚繞無窮合復分
綿綿浮空散氤氲
東坡持是壽卯君
君少與我師皇墳
旁資老聃釋迦文
共厄中年點蠅蚊

晚遇斯須何足云君方論道承華勛我亦旗鼓嚴中軍
國恩未報敢不勤但願不為世所醺爾來白髮不可耘
問君何時返鄉枌收拾散亡理放紛此心實與香俱君
聞思大士應已聞

南史西南蠻傳狼牙修國在南海中多棧沈婆律等香
酉陽雜俎一木五香根旃檀節沉香花雞舌葉藿膠薰
陸又龍脰香出婆利國有婆律樹高八九丈瘦者出龍
脰香肥者出婆律香唐本草麝生益州形似麝常食柏
葉水麝脐其香尤美又甲香海螺之掩也可聚香使不
散雜衆香燒之使並芳獨燒則臭香譜蠱頭生雲南者
取麝燒灰合香多用謂能發香復來香煙晉衛恒傳繆
篆所以摹印也香譜香篆鑲木為篆文範以香塵印君

子由以已卯生故云韓退之贈張秘書詩方今向太平
元凱承華勩漢韓信傳建大將旗鼓按公自言師定州

也楞嚴經觀世音菩薩
由聞思修入三摩地

次韻李端叔送保倅翟安常赴闕無寄子由

中山保塞兩窮邊卧治雍容已百年顧我迂愚分竹使
與君談笑用蒲鞭松荒三徑思元亮草合平池憶惠連
白髮歸心憑說與古來誰似兩疏賢

南史謝惠連傳族兄靈運嘗詩思竟日不就
忽夢見惠連即得池塘生春草大以為工

中山松醪寄雄守王引進

鬱鬱蒼髯千歲姿
宵來杯酒作兒嬉
流芳不待龜巢葉

公自注唐人以荷葉為酒盃謂之碧筒酒

掃白聊煩鶴踏枝
醉裏便成歌雪

舞醒時與作嘯風
辭馬軍走送非無意
玉帳人開合有

詩

杜子美謝中丞乳酒詩鳴鞭走送憐漁父洗盞開嘗對馬軍

次韻李端叔謝送牛戲鴛鴦竹石圖

聞君談西戎廢食忘早晚
王師本不陳賊壘何足剋
守邊在得士此語要而簡
知君論將口似予識畫眼
笑指

塵壁閒此是老牛戲平生師衛玠非意嘗理遣愬君定
何人未用市朝顯置之勿復道世俗固多舛歸去亦何
須單車度穀澠如虫得羽化已脫安用繭家書空萬軸
涼曝困舒卷念當掃長物閉息默自煖此畫聊付君幽
處得小展新詩勿縱筆君羣吠驚邑犬時來未可知妙斲
待輪扁

穀梁傳善師者不陳善陳者不戰劉道醇聖宋名畫評
道士牛戲字受禧河內人善畫花竹翎毛尤長破毛之
禽泊寒雉野鵲每飲酒肆閒或飲一斗然後畫片紙以
質之至醒必購之遂毀畫而去柳子厚答韋中立書屈

子賦曰邑犬羣吠吠所怪也僕往聞庸蜀之南常雨少
日日出則犬吠僕來南二年冬幸大雪數州之犬皆蒼
黃吠噬今韓愈既自以為蜀之日而吾子又欲使吾為
越之雪不以病乎莊子天道篇輪扁斲輪於堂下得之
於手應
之於心

次韻聰上人見寄

總事見本卷三絕
句呈聞復詩注

前身本同社宿業獨臨邊一悟鏡空老始知圓澤賢歸
心忘犢佩生術寄羊鞭不似歐陽子空留六一泉

異聞寶錄元和初齊君房遊錢塘有胡僧探囊出一棗
大如拳曰食之者知過去未來事君房啖之頃刻乃悟
前生講法華于同德寺是夕君房至靈隱寺剪髮具戒
法名鏡空纂異記亦云圓澤與李源事屢見先生六一

泉銘序歐陽文忠公將老自謂六一居士予普通守錢塘見公於汝陰而南公曰西湖僧惠勤甚文而長於詩予到官三日見勤於孤山之下抵掌而論人物曰公天人也此邦之人以公不一來為恨公麾斥八極何所不至雖江山之勝莫適為主而奇麗秀絕之氣常為能文者用故吾謂西湖蓋公几案間一物耳明年公薨予哭於勤舍又十八年余為杭州則勤亦化去訪其舊居則弟子二仲在焉畫公與勤之像事之如生舍下舊無泉予未至數月泉出講堂之後孤山之趾乃取勤舊語推本其意名之曰六一泉互見四卷臘日遊孤山詩注

次韻王雄州還朝留別

老李威名八十年
壁間精悍見遺顏
自聞出守風流似
稍覺承平氣象還
但遣詩人歌杖杜
不妨侍女唱陽關

內朝接武知何日白髮羞歸供奉班

王注老李指言李允則也先生作詩在元祐八年逆穀八十年則真宗時也景德二年正月真宗以契丹初和易置守將召樞宰議可適用者首選公知雄州御筆置名於紙公在雄凡十四年事見李復圭所作李氏家傳

三月二十日多葉杏盛開

零露泣月藥溫風散晴葩春

一作天

工了不睡連夜開此

花芳心誰翦刻天質自清華惱客香有無弄粧影橫斜
中山古戰國殺氣浮高牙叢臺餘袷服易水雄悲笳自
從此花開玉肌洗塵沙坐令遊俠窟化作溫柔家我老

念江海不飲空咨嗟明年花開時舉酒望三巴

公自注
欲請梓

州而
歸

漢鄒陽傳全趙之時武力鼎士袷服叢臺之下者一旦
成市而不能止幽王之湛患顏師古曰叢臺趙王之臺
也在邯鄲史記刺客傳燕太子丹送荆軻易水之上高
漸離擊筑荆軻和而歌曰風蕭蕭兮易水寒壯士一去
兮不復還皆垂涕而泣三巴記閬水東南流曲折三曲
如巴字華陽國志武王克商封其子宗姬於巴至漢益
州牧劉璋以墊口以上為巴郡以固
陵為巴東永寧為巴西是為三巴

三月二十日開園三首

雪髯霜鬢語僮僮澹蕩園林取次行要識將軍不凡意

從來祇啜小人羹

公自注是日散父老酒食

左傳隱元年穎考叔曰小人有母皆嘗小人之食矣未嘗君之羹

西園牡籥夜沈沈尚有游人卧柳陰
鶴睡覺時風露下落花飛絮滿衣襟

漢五行志章城門牡自亡師古曰牡所以下閉者也亦以鐵為之

鬱鬱蒼蒼髯真道友絲絲紅萼是鄉人

公自注蒼髯松也紅萼海棠也

何

時翠竹江村路送我柴門月色新

杜子美南隣詩白沙翠竹江村暮相送柴門月色新

次韻王雄州送侍其涇州

威聲又數中

去聲

興年二鹵行當一矢聯聞道名城得真

將故應驚羽落空弦追鋒歸去雄三衛授鉞重來定十

連別酒回頭便陳迹號呶端合發初筵

杜子美喜達行在所詩今朝漢社稷重數中興年漢周
亞夫傳文帝曰此真將軍矣晉宣帝紀魏帝詔帝乘追
鋒車晝夜無行四百餘里一宿而至晉職官志文帝初
置中衛將軍武帝分左右衛唐李密傳以蔭為左親衛
大都督宇文述曰君進素貴當以才學顯何事三衛間
哉淮南子凡命將主親授鉞曰從此上至天將軍制之
禮記十國為連連有帥詩大雅賓之
初筵溫溫其恭賓既醉止載號載呶

臨城道中作

并引

予初赴中山連日風埃未嘗了了見太行也今將
適嶺表頗以是為恨過臨城內邱天氣忽清徹西
望太行草木可數岡巒北走崖谷秀傑忽悟歎曰
吾南遷其速返乎退之衡山之祥也書以付邁使
志之

逐客何人著眼看太行千里送征鞍未應愚谷能留柳
可獨衡山解識韓

韓退之謁衡嶽廟詩我來正逢秋雨節陰氣晦昧無清
風潛心默禱若有應豈非正直能感通須臾靜掃衆峰
出仰見突兀
兀撐青空

過湯陰市得豌豆大麥粥示三兒子

朔野方赤地河壩但黃塵秋霖暗豆莢

一作漆

夏旱臞麥

人逆旅唱晨粥行庖得時珍青斑照七箸脆響鳴牙齦
玉食謝故吏風食便逐臣漂零竟何適浩蕩寄此身爭
勸加餐食實無負吏民何當萬里客歸及三年新

漢晁錯傳居太上廟垣中注云垣者內垣之外遊地也
本草小麥人作麴第三磨者良為近麴也蓋麥之心曰

人樂府古辭上有加餐食下有長相憶左傳成
十年曰不食新矣杜預注言不得食新麥也

子由新修汝州龍興寺吳畫壁

韻語陽秋汝州龍興寺吳道子

畫兩壁一壁作維摩示疾文殊來問天女散
花一壁作太子遊四門釋迦降魔筆法奇絕

子由曾
施百鍊

丹青久衰工不藝人物尤難到今世每摹市井作公卿
畫手懸知是徒隸吳生已與不傳死那復典刑留近歲
人間幾處變西方盡一作畫作波濤翻海勢細觀手面分
轉側妙算毫釐得天契始知真放本精微不比狂花生

客慧似聞遺墨留汝海古壁蝸涎可垂涕力捐金帛扶棟宇錯落浮雲卷新霽使君坐歎清夢餘幾疊衣紋數衿袂他年弔古知有人姓名聊記東坡弟

莊子天道篇古之人與其不可傳者死矣汝州為陸海軍

過高郵寄孫君孚

孫君孚名叔高郵人哲宗立為監察御史朝廷更法度逐

姦邪君孚多所建明擢中書舍人直學士院以集賢院學士知應天府紹聖初削職守房

歸二州貶

汀州卒

過淮風氣清一洗塵埃容水木漸幽茂菰蒲雜游龍可

憐夜合花青枝散紅茸美人遊不歸一笑當誰供故園
在何處已偃手種松我行忽失路歸夢千山重聞君有
負郭二頃收橫從卷野畢秋穫殷牀聞夜春樂哉何所
憂社酒粥面釀宜游豈不好毋令到千鍾

詩國風隰有游龍注云游龍紅草也史記蘇秦傳使我
有雒陽負郭田二頃吾豈能佩六國相印乎詩國風橫
從其畝杜子美詩梵放
時出寺鍾殘仍殷牀

僕所至未嘗出遊過長蘆聞復禪師病甚不可
不一問既見則有閒矣明日阻風復留見之作

三絕句呈聞復并請轉呈於參寥子各賦數首

聞復名思聰先生嘗有敘送其歸孤山曰錢
塘僧思聰七歲善彈琴十二捨琴而學書書
既工十五捨書而學詩詩有奇語老師宿儒
皆敬愛之秦少游取楞嚴文殊語字之曰聞
復

亦知壺子不死敢問老聃所遊瑟瑟寒松露骨耿耿病
虎垂頭

莊子應帝王鄭有神巫曰季咸列子與之見壺子出而
謂曰子之先生死矣弗活矣明日又與之見出而謂曰
子之先生遇我也有瘳矣全然有生矣寓言篇陽子居
南之沛老聃西遊於秦又孔子見老聃老聃方新沐曰

吾游於
物之初

莫言西蜀萬里且到南華一游扶病江邊送客杖屨浦

口回頭

南華寺在韶州乃曹溪道場莊子漁父篇漁父杖屨逆立而夫子曲要磬折再拜而應

老去此生一訣興來明日重遊卧聞三老白事半夜南

風打頭

古詩話川峽呼梢工篙手為三老故杜子美詩云長年三老應憐汝史記滑稽傳東郭先生拜謁曰願白事

六月七日泊金陵阻風得鍾山泉公書寄詩為

謝

今日江頭天色惡，礮車雲起風欲作。
獨望鍾山喚寶公，林間白塔如孤鶴。
寶公骨冷喚不聞，卻有老泉來喚人。
電眸虎齒霹靂舌，為予吹散千峰雲。
南行萬里亦何事，一酌曹溪知水味。
他年若畫蔣山圖，仍一作為作泉公喚。

居士

國史補：暴風之候，有礮車雲。南史：逸傳釋寶誌於宋太始中，出入鍾山，往來都邑，預言未兆，識他心智。一日，中分身易所，遠近驚赴。晉王戎傳：眼爛爛如巖下電。再見穆天子傳：西王母如人虎齒，善嘯。韓退之：遺瘡鬼詩。

詛師毒口牙舌作霹靂飛徐爰釋門畧建康北十餘里
舊名金山漢末秣陵尉蔣子文討賊戰亡靈發於山因
立蔣侯祠故世號曰蔣山
搜神幽明錄志怪書亦云

贈清涼寺和長老

代北初辭沒馬塵江南來見卧雲人問禪不契前三語
施佛空留丈六身老去山林徒夢想雨餘鐘鼓更清新
會須一洗黃茅瘴未用深藏白氎巾

廣清涼傳大歷中釋無著至五臺山見一寺有童子出
延無著問一僧此處衆有幾何答曰前三三後三三無
著無對僧曰既不解速須引去童子送出門又問解否
答曰不解童子曰金剛背後看師回首寺即隱無著愴

然有偈云言下不知開佛印回頭只見舊山巖後漢西域傳明帝夢金人長大頂有光明以聞羣臣或曰西方有神名曰佛其形長丈六尺而黃金色房千里投荒記南方六七月芒茅黃枯時瘴大發土人呼為黃茅瘴

予前後守倅餘杭凡五年夏秋之間蒸熱不可過獨中和堂東南頗下瞰海門洞視萬里三伏常蕭然也紹聖元年六月舟行赴嶺外熱甚忽憶此處而作是詩

忠孝王家千柱宮東坡作吏五年中中和堂上東南頗獨有人間萬里風

吳越王錢俶以太平興國三年舉族歸朝卒謚曰忠懿
事具國史王注頰字內地常語宮室之房曰頰猶人之
頤頰也杜子美夏夜歎安
得萬里風飄飄吹我裳

慈湖夾阻風五首

捍索桅竿立嘯空
篙師酣寢浪花中
故應管蒯知心腹
弱纜能爭萬里風

此生歸路愈茫然
無數青山水拍天
猶有小船來賣餅
喜聞虛落在山前

說文虛大邱也古者九夫為井四井為邑
四邑為邱邱謂之虛或從土廣雅落居也

我行都是退之詩真有人家水半扉千頃桑麻在船底
空餘石髮挂魚衣

韓退之宿曾江口詩雲昏水奔流天水滌相圍三江滅
無口其誰識涯圻暮宿投民村高處水半扉爾雅釋草
薄石衣注水苔也一名石髮

日輪亭午汗珠融誰識南訛長養功暴雨過雲聊一快
未妨明月卻當空

尚書平秩南訛孔安國曰訛化也
掌夏之官平序南方化育之事

卧看落月橫千丈起喚清風得半帆且竝水村歌側過

人間何處不巉巖

過廬山下


并引

予過廬山下雲物騰湧默有禱焉未午衆峰凜然
故作是詩

亂雲欲覆山勢與飄風南羣嶺相應和勇往爭驂驪可
憐薈蔚中時出紫翠嵐鴈沒失東嶺龍騰見西龕一時
供坐笑百態變立談暴雨破塊北清飈掃渾酣廓然歸
何處陋矣安足戲亭亭紫霄峰窈窕白石菴五老數松

雪雙溪落天潭雖云默禱應顧有移文慙

詩國風蒼兮蔚兮南山朝隣漢賈誼傳大鈞播物塊北
無垠注塊塵也北山曲也廬山記山南簡寂觀白雲峰
其間一峰獨出而秀卓名曰紫霄峰又山南楞伽院舊
名下白石證道院舊名上白石又栖賢寺東北有五老
峰廬山之勝此為最焉默禱韓退之事移文孔稚圭事並已見



施註蘇詩卷三十四